

四庫全書

子部

# 欽定四庫全書

子部

御定淵鑑類函卷三百二十五

詳校官鴻臚寺少卿<sub>臣</sub>梁景陽

主事<sub>臣</sub>祁韻士覆勘

總校官進士<sub>臣</sub>繆琪

校對官助教<sub>臣</sub>黃昌祺

謄錄監生<sub>臣</sub>王涵

欽定四庫全書

御定淵鑑類函卷三百二十五

巧藝部二書

彈

彈一

增廣雅釋器曰弮謂之彈

說文曰彈行丸也淮南

子曰執彈而招鳥揮枕而呼狗欲致之顧反走韓詩

外傳曰夫爵鼓翼奮身自以為無患不知王孫左把彈

右攝丸晝遊乎茂樹夕和乎酸醎焦氏易林曰搏鳩

彈雀獵兔山北丸盡日暮失獲無得 顧子義訓曰人  
有善射高於顧子顧子曰子射雖百中不若我之以彈  
子所射射狸之皮耳我所彈彈狐之心 張華註禽經  
曰鳥之巨觜者善避矰弋彈射 李呈芬射經曰彈鳥  
雀者不視弓不視彈以意逆飛者而中之

彈二

增晉葛洪神仙傳曰蘇仙公桂陽人昇雲而去後有白  
鶴來止郡城樓上人或彈之鶴以爪書曰城郭是人民

非三百甲子一來歸吾是蘇君彈我何為 魏書曰文帝至自晉始祖使諸部大人詣陰館迎之帝仰視飛鳥援彈飛丸應弦而落時國俗無彈衆大驚相謂曰太子風采被服同於南夏兼奇術絕世若繼國統變易舊俗吾等必不得志乃謀危害並先馳還始祖問我子進德何如皆曰太子才藝非常引空弓而落飛鳥似得晉人異法怪術亂國害民之兆 孔帖曰石季龍挾彈彈人其父怒其母曰健犢須走車破轅良馬須逸鞅泛駕然

後能負重致遠

五車韻瑞曰齊曲江公遙欣七歲見

小兒彈雀曰此鳥空中飛翔何關人事因感其言不復

彈 南部煙花記曰陳宮人喜於春林放柘彈 唐書

曰滕王元嬰為金州刺史以丸彈人觀其走避則樂

蒙齋筆談曰蘇子瞻初謫黃州布衣芒屨出入阡陌多

挾彈擊江水與客為娛樂 孫升談圃曰石曼卿謫海

州日使人拾桃核數斛人跡不到處以彈弓種之不數

年桃花遍山谷中 朱國禎開國臣傳曰長洲宋克博

沙書傳任俠喜擊劍走馬尤善彈指飛鳥下之續說  
郭曰明末史金吾宅後有薛五素素姿度艷雅善馳馬  
挾彈能以兩丸先後發必使後彈擊前彈碎於空中

### 彈三

原挾左在旁

戰國策曰左挾彈右懷丸吳伐齊太  
子諫曰向來挾彈於後圍螳螂之捕蟬

也不知黃崔在旁黃  
崔不知臣挾彈在旁

增竹繳

牙鞘

談數曰梁王謂  
惠子曰先生直

言無得引喻惠子曰今者人不識彈問彈狀如何答曰  
彈狀如彈則能了否王曰不了又曰彈狀為弓以竹為  
繳可知之乎王曰知矣惠子曰夫說者欲人知之無喻  
則不知也王曰善唐王建宮詞裏頭宮監當前立手

把牙鞘  
竹彈弓

探丸

借弓

漢書曰長安中姦猾浸多閭里

為彈得赤丸者斫武吏黑丸者斫文吏白者主治喪城中薄暮塵起剽劫行者死傷橫道異苑曰元嘉中魏

郡張承吉素工巧常造一彈弓忽有一鬼長三尺一足鳥爪背有鱗甲來借之明日送還而皆折壞飛

土逐金彈吳越春秋陳音對越王云弩生於弓弓生于

白茅投於中野孝子不忍見父母為禽獸所食作彈以守之故歌曰蠶竹續竹飛土逐穴西京雜記曰韓嫣

武帝佞倖人也作金丸彈鳥人皆逐金長安為之語曰苦飢寒逐金丸原孝子作少

年挾上見飛土注世說潘岳少年時折鷗翼惡

鷗聲海鷗羣飛榮祖登城西樓彈之無不折翼楚人



惡鷁而彈射之鷁將適吳鵠謂之曰若能變其聲在楚可也若不能變其聲吳人亦彈射之

彈異

雀取生鵠

莊周睹異鵠執彈而留之睹螳螂方搏一

垣崇

祖善彈生取翔鶴

求鷁炙

逐飛肉

莊子曰見彈而求鷁炙太元經曰明珠彈於

飛肉其得不復

中鳶羣

得朋友

隋書曰長孫晟善彈有鳶羣飛上曰公為我取之晟

十發俱中並應丸而落賜資極多

增行郎彈

王孫

彈

李義山詩石城景物類黃泉夜半行郎空拓

彈燕

雀斃鴛鴦

何氏語林曰孫權嘗燕見蜀使費禕逆勅羣臣使禕至伏食勿起禕至權為輟食而

諸人不起禕調之曰鳳凰來翔麒麟吐哺驢騾無知伏食如故諸葛恪應聲答曰爰植梧桐以待鳳凰何有燕

崔自稱來翔何不彈射使還故鄉  
宋黃林復茅亭客  
話曰章子明善放小弩彈丸發無不中  
舟過青神見二  
鴛鴦發彈斃雄者將歸烹之其雌者隨至船中見雄  
在鍋不顧涕湯投其中伸頸鼓翼長叫數聲而死

來金市

傍玉輿

崔顥少年行  
雙雙拂彈來金市兩

李疑少年行  
臂鷹金

殿側挾彈  
玉輿傍

撒槐膠

貫桐葉

孔帖李少微子女頗多  
每退朝於庭撒槐膠彈

子數百枚令諸小兒爭取之以為戲笑  
北史曰李元  
忠性甚工彈彈桐葉常出一孔擲棗栗而彈之十中七

八  
拋林外

擲牆頭

李義山詩不收金彈拋林外  
吳越備史錢鏐每夕彈金丸於

牆頭之外  
直者畢應

打流鶯

落飛鳥

唐王建宮詞元是吾皇  
金彈子海棠花下打流

驚李賀嘲少年詩有時半  
醉百花前背把金丸落飛鳥

懸仙像

捕帛書

金臺  
紀聞

世所傳張仙像者乃蜀王孟昶挾彈圖也初花蕊夫人  
入宋宮念其故主偶以此圖懸壁太祖致詰夫人跪答  
之曰此蜀中張仙神也祀之能令人有子孔帖王世  
充羅取飛鳥書符命於帛繫鳥頸縱之有彈捕得鳥以  
獻者亦  
拜官  
女爭揮  
瑞各挾彈  
宋王珪宮詞侍女爭揮玉

予家舊畫楊妃上馬圖無他仗衛但有兩瑞各挾彈前  
導意其燕遊戲具非有謂也後乃聞乘輿燕遊果前以  
擊彈代鳴鞘器物  
制度蓋如此云  
原諫父挾彈  
觀人避丸  
上見前  
在旁注

傳曰晉靈公不君從臺  
上彈人以觀其避丸也  
柘木為彈  
蘇合為彈  
京西

雅記長安五陵人柘木為彈真珠為  
丸以彈鳥鵲  
俠客以蘓合木為彈  
隋珠彈  
崔真

珠彈鳥  
呂氏春秋曰所以隋侯之珠彈千仞之雀世  
必笑之何也所用重所要輕也  
下詳前  
不

如泥丸

而自挾彈

東方朔對驃騎將軍難曰以金丸彈不如泥丸各有所用

三

輔皆好

羣臣是彈

東觀漢記詔曰三輔皆好彈一大老從旁舉身曰噫嘻哉見李尤

彈

彈鳥林下

持彈後園

潯陽記周邵字子南好隱適庾亮詣之避不相見

庾密候之邵方彈鳥林下因前與言魏書云曹爽兄

弟歸家勅洛陽縣發民八百人使慰部團爽第四角作

高樓在上望視爽兄弟舉動爽計窮愁悶持彈到後

園中樓上人便唱言故大將軍東南行爽還廳事

齊王彈人

無終彈妓

又云齊王芳為帝常喜以彈彈晉安帝紀云琅邪內史孫

無終貪橫殘虐妓妾忤意者輒彈其面

始安名山

長安逐丸

荊州記云始安

郡山坎中有彈丸因名彈丸山下見前逐金注

增天星似彈

江城如彈

丹元子步天歌天津九箇彈弓形  
李義山詩謝遊橋上澄江館下望江城如一彈

挾弓後苑

持彈新亭

韻府羣玉趙太祖後苑挾弓彈崔有臣僚稱急事請見及見乃常事太祖曰此事何

急對曰亦急於彈上怒以越斧柄撞折其兩齒世說曰前輩人忌日不樂王世將以忌日送客至新亭持彈

往衛洗馬墓前彈鳥

應弦斃鳥

飛丸中鶴

南唐近事何敬洙善彈射微時為鄂

帥李簡家僮一日李獨坐小廳有鳥伸喙向李而噪其聲頗厲李甚惡之遂往後園池亭鳥隨其所之叫噪不

已顧左右曰何敬洙善彈急召來能斃此畜何至注丸挾彈精誠中激應弦斃之李佳賞擢為小校以軍功累

建旌鉞竟位至中書令守太師致仕南部新書祕書省內有薛少保授畫鶴元和中韓公武挾彈中鶴一目

時稱五絕

廟前擊鳥

殿上除梟

異苑曰青溪小姑廟云是蔣侯第三妹廟中有

大穀樹鳥常產育其上太原謝慶執彈乘馬激殺數頭  
至夜夢一女子衣裳楚楚怒云此鳥是我養何故見侵  
經年而謝慶卒北史曰李元忠嘗從文襄入謁魏帝  
有象鳴殿上文襄命元忠彈之問得幾丸而落對曰一  
丸奉至尊威靈一丸承大將軍  
意氣兩丸足矣如其言而落之  
送丸落羽 彈巾折

簪元楊維禎題挾彈圖兩騎聯翩未敢前看送金丸落  
飛羽孔帖王準為衛尉少卿以開雞供奉禁中過

駙馬都尉王繇以彈  
彈其中折玉簪為樂  
升樓射人 藏身打雀 唐書藩  
鎮傳王

紹昂升樓彈射路人以為樂花蕊夫人  
宮詞回頭索取黃金彈遶樹藏身打雀免  
鄭寅彈樹

劉雋中壺 酉陽雜俎鄭寅嘗詣僧靈鑒角放彈指一  
樹節其節目相去數十步曰中之獲五千

一發而中彈丸及樹不破至靈鑒乃陷節碎彈焉幽  
明錄曰元嘉初散騎劉雋家在丹陽郡後常閒居而天

驟雨見門前有三小兒皆可六七歲相牽狡獪並不沾濡雋疑非人俄見共爭一鉢壺子雋引彈彈之正中壺

霍然不見原累五而不墜百發不得一楚出於林中見

病倭者承蜩猶撮之也仲尼曰子巧乎有道耶曰我有道也五六月累丸二而不墜則失者錙銖累三而不墜則失者十一累五而不墜猶撮之也潛夫論云丁夫世不傳犁鋤懷丸挾彈攜手遨遊外不可以禦寇內不足以及禁鼠妄彈鳥雀百發不得一而反中面目此最無用而有害

### 增俠女跨白衛

豪士衣黃衫唐段成式劍俠傳薛隱娘有劍術魏帥知

許節度使不協使隱娘圖之許帥能神算知其來召牙將令曰早至城北候一丈夫一女子跨白黑衛遇鵲噪大夫彈之不中妻奪夫彈一丸而斃鵲者揖之云吾欲見故令遠迎衙將受約束果遇之夫妻驚以為神遂留

許事劉唐蔣防霍小玉傳大歷中進士李益以侯試  
居京師遇霍小玉於勝業坊極其歡愛後生以別娶負  
約不復肯往三月春遊與同輩詣崇敬寺玩牡丹其友  
歎讓其事忽一豪士衣輕黃紵衫挾朱彈潛行竊聽前  
揖曰公非李十郎乎敝居咫尺但願一過因策馬同行  
俄而抵玉居生勒馬欲迴豪士遽命奴僕抱持而進報  
云李十郎至也一家驚喜

## 彈四

增鬼彈

水經注瀘水旁瘴氣特惡氣中有物不見形其  
作有聲中木則折中人則傷名曰鬼彈左思蜀

都賦鬼彈飛丸以雷  
激火井騰光而赫羲

九味和丸

酉陽雜俎僧靈鑒善  
彈其丸用洞庭沙岸

下土炭末瓷末榆皮汨澱紫礦細  
沙藤紙渴搨汁九味和齊手丸之

銜丸無傷

又曰建  
中初士



人韋生路逢一僧因與連鑣言論頗洽僧指路謂曰此數里貧道蘭若郎君能無左顧乎士人許之行十餘里不至日已沒韋生疑之生素善彈因密取弓御彈懷九十餘乃彈之正中其腦僧初若不覺又五發中之僧始捫中處見僧方至一在延韋生坐廳中執生手曰貧道盜也若彈悉在手搦腦後五丸墜地蓋銜彈丸而無傷也

### 後園彈鳥

崔鴻西秦錄曰辛進字國都為散騎常侍從乞伏熾監遊於後園彈鳥

### 學彈射

北史曰長孫晟性通敏善彈工射突厥攝圖請婚因遣晟副汝南公宇文神度送千金公主至

其牙前攝圖獨愛晟命諸子弟貴人皆相親友學彈射

### 挾彈平陵

李益輕薄篇忽聞燕雁一

聲去回鞍挾彈平陵園

### 章臺左

李白詩青雲少年子挾彈章臺左

### 逢巧丸

韓愈

詩遭逢巧丸光

### 飛丸激矢

趙壹窮鳥賦繳彈張右弓彀左飛丸激矢交集於我思飛不得欲

鳴不

金鞭朱彈

陸放翁詩金鞭朱彈憶春遊

彈射市中

列朝詩集本傳

明初顧敬衣貂裘馳百金馬彈射市中

置彈婢額

又曰薛五素素吳人善彈走馬以女俠自

命置彈於小婢額上彈去而婢不知嘗與五陵少年挾彈出郊連騎遊遊觀者如堵

# 彈五

增詩魏明帝詩曰雙桐生空井枝葉自相加通泉浸其

根元雲潤其柯上有雙栖鳥交頸鳴相和何意行路者

秉丸彈其窠原晉桓玄南林彈詩曰散帶躡良駟揮

彈出長林歸翮赴舊栖喬木轉翔禽落羽尋絕響屢中

轉應心 增唐李嶠咏彈詩曰俠客持蘇合佳遊滿帝  
鄉避丸深可謂求炙遂難忘金迸疑星落珠成似有光  
誰知少孺子將此見吳王 孟浩然詩曰珠彈繁華子  
金羈遊俠人酒酣白日暮走馬入紅塵 宣和御製宮  
詞曰刺花彈篋紫檀弓何處星丸入苑中驚起流鶯花  
裡去紛紛如雨落殘紅 元楊維禎四馬挾彈圖詩曰  
八駿瑤池一半歸錦袍欲脫玉腰圍君王手挾流星彈  
莫打慈烏繞樹飛 明陳繼儒題挾彈圖詩曰白馬雕

鞍艷綺羅東城南陌遍經過金丸且莫輕拋擲綠樹春  
深孔雀多

增歌古樂府歌曰烏生八九子秦氏桂林間秦氏家有  
遊蕩子並用睢陽強彈丸 明陸弼觀素素挾彈歌曰  
酒酣請為挾彈戲結束單衫聊一試微纏紅袖袒半鞬  
側度雲鬢引雙臂侍兒拈丸著髮端迴身中之丸並墜  
言遲更疾却應手欲發未停偏有致

原賦晉夏侯孝若繳彈賦曰張弱弓兮理繁繳望大羣

以送丸審追放而必獲

原銘後漢李尤彈銘曰昔之造彈起意弦木以丸為矢  
合竹為樸漆飾以霑不用筋角丸彈之利以弋鳧鷖晉  
靈驕恃羣臣是彈樂其如躍趨如避丸

御一

增說文曰御使馬也 星經曰王良五星在奎北河中  
為御馬官 世本曰乘雅作駕寒哀作御 毛詩曰徒  
御不驚大庖不盈 又曰王命傅御遷其私人 禮記

曰問大夫之子長曰能御矣幼曰未能御也 汲冢周

書曰三輪四輿歸御 孔子家語曰御狂馬不釋策

大戴禮記曰馬動而鸞鳴鸞鳴而和應聲曰和和則敬

此御之節也 楚辭九辨曰乘騏驎之瀏瀏兮馭安用

夫強策 呂氏春秋曰今御驪馬者使四人人操一策

則不可以出於門閭者不一也 淮南子曰御者非轡

不行學御者不為轡也 又曰舟覆乃見善游馬奔乃

見良御 文子曰以御言之左手執轡右手運策不亦

速乎若徒轡無策馬何懼哉 焦氏易林曰朽輿疲駟  
不任御轡 又曰放銜垂轡奔馬不制 劉向說苑曰  
能射御者佩鞬 王充論衡曰御百里之手而以調千  
里之足必有摧衡折軌之患 蔡邕獨斷曰天子大駕  
則公卿奉引大將軍驂乘太僕御屬車備千乘萬騎  
天祿閣外史曰得御者調其馭失御者逸其驥 李善  
文選注曰騏驎不常一步應良御而效足

## 御二

增莊子曰黃帝將見大隗乎具茨之山方明為御昌寓  
驂乘張若謂朋前馬昆閭滑稽後車至於襄城之野

抱朴子曰禹乘二龍郭支為御 史記曰周穆王乘驊

騶騶駟使造父為御日行千里往見西王母 穆天子

傳曰次車之乘右服渠黃而左踰輪右驂盜驪而左山

子柏夭主車參百為御奔戎為右 淮南子曰昔者王

良造父之御也上車攝轡馬為整齊而斂諧投足調均

勞逸若一心怡氣和體便輕畢安勞樂進馳騫若滅左



右若鞭周旋若環世皆以為巧 國語曰晉悼公知藥

糾之能御以和於政也使為戎御 穀梁傳曰季孫行

父禿晉卻克眇衛孫良夫跛曹公子手僂同時聘於齊

齊使禿者御禿者眇者御眇者跛者御跛者僂者御僂

者蕭同叔子處臺上而笑之客不悅而去齊人曰齊之

患自此始矣 汲冢周書曰晉平公使師曠於周請歸

王子賜之乘車四馬曰太師亦善御乎對曰御吾未之

學也王子曰詩云馬之剛矣轡之柔矣馬亦不剛轡亦

不乘志氣庶庶取予不疑以是御之 韓子曰趙襄王  
學御於王子期俄與子期逐三易馬而三後子期曰凡  
御之所貴馬體安乎車人心調乎馬而後可以進速致  
遠今君後則欲速臣先則恐速於臣先後心在於臣又  
何以調乎馬此君之所以後也 賈誼新書曰楚懷王  
鑄金象諸侯令大國之王編而先馬梁王御宋王駟乘  
周台畢陳滕薛衛中山之君皆象使隨而趨諸侯聞而  
伐之 事文類聚曰魯班為母作木人為御機關一發

遂去不還 說苑曰桓司馬朝朝其君舉而晏御呼車  
駢亦呼車御肘其駢曰子何越云為乎駢曰當呼者呼  
乃吾事也子當御正子之轡銜耳 西京雜記曰文帝  
自代還有良馬九匹號為九逸有來宣能御代王稱為  
王良俱還代邸 漢書曰李膺罕所交接荀爽謁膺因  
為之御喜曰今日始得御李君矣

### 御三

原五御 六轡

周禮六藝四曰五御謂鳴和鷹逐水曲  
過君表舞交衛逐禽左 詩六轡在手

注兩服兩駢各兩轡而駢馬兩轡納之於舠故惟六轡在手也

聲控 馳馬區詩叔良

聲控忌注駢馬曰聲止馬

執技 執御禮執技以事

子曰吾何執御乎

效駕 授綏禮記右車將駕則

執策分轡駢之以五步而立君出就車則僕授綏注僕御也辰轡視車之具效駕白己駕也驅五步而立調習

也授綏 訓駟 御驥 晉程鄭為乘馬御羣駟為馬使敬君也

駢驥誠莫之能善御見執轡者非其人遂足跳而遠去 馬正 駢迫馬書御非其

不恭命 州綽左 增和心 應手 中論藝記曰御以

之於御應之於轡得之於轡應 循軌 護輪 太平御覽剛恕

蹄齧之馬若足拘絆繁口銜轡勒筭策畢至則躡躡循軌古文苑乘車必護輪

馬奔羈

出王逸楚辭注言駟馬驚奔雖有執轡之御猶不能制必推車軌而折其轅韓非子曰王子於期為宋君

為千里之逐已駕察手吻文且發矣驅而前之輪中繩引而却之馬掩迹拊而發之羈逸出於實中馬退而却笑不能進前也馬驛齊策絕鞍大戴禮善御馬者而走轡不能正也

馬力和馬心國語鐵之戰郵無正御曰吾兩鞍將絕吾能止之今日之事我上之次也駕而乘材兩鞍皆絕

良工中手孟子一朝而獲十禽嬖奚反命曰天下之良工也韓非子曰夫良馬固車五

十里而一置使中手御之追速致威馬調車王充遠可以及也何必古之王良乎

宋人有御馬者不進拔劍剄而棄之於溝中又駕一馬不進又剄而棄之於溝若是者三以此威馬至矣然非

王良之法也淮南子曰夫御者馬體調乎車御心和乎馬

從勢量力

劉子法術立法

者譬如善御察馬之力揣途之數齊其銜轡以從其勢管子曰造父善御者也善視其馬節其飲食度量馬

力故能取道遠而馬不罷原教秋駕驂帝乘莊子尹儒夢秋駕明日往朝師望而

謂之曰今日將教子以秋駕儒再拜曰臣今夕固夢受之注秋駕法駕霍光為宣帝驂乘上若背負芒刺

無轍迹合馬志老子善行無轍迹文子治人之

志也御六馬驅五步書朽索之御增御廣車御

左輪左傳坐射犬於外既食而後食之使御廣車而行又張侯曰自始合而矢貫予手及肘予折以御

豈敢言病騁逸迹致遠道抱朴子曰駮駢之騁逸迹由造父之御也

子曰夫馬者良工御之則和馴端正致遠道矣僕人御之則遲奔毀車矣

驅千里接八

荒

史記造父以善御幸於周穆王得驥盜驥驢騾驘驘之駟西巡狩樂而忘歸徐偃王作亂造父為穆王御

長驅歸周一日千里以救亂穆王以趙城封造父郭

子注莊夫善御者將以盡其能也盡能在於自任若任

駕驥之力適遲疾之分雖足迹接乎八荒之表而衆馬之性全矣

非子御  
鉗且御

文選盧諶詩恨以駕蹇姿徒煩非子御淮南子曰鉗且大丙不施轡銜而以善御聞於天下

鳴和

鑾

扈清蹕

後漢書崔駰列傳取委其轡馬駘其銜四牡橫奔皇路險傾方將甘勒韃鞬以救之

豈暇鳴和鑾清節奏哉唐書齊映授御史中丞從幸梁道險澀嘗為帝御會馬駭突帝恐傷映詔捨轡固不

去曰馬奔蹕不過傷臣捨之或犯清蹕雖死不過償帝嘉歎

控奔驥

驚飛蓬

御覽

若龍控奔驥以接駕乘則力追者萬羣又飛遜  
隨風集於王梁之衝而駟馬為之奔乳虎為之走  
陟

太行

困吳阪

藝文類聚陟彼太行伯后之車屢急  
魏志昔騏驥之於吳阪可謂困矣及伯

樂相之孫郵御之斯  
體不勞而致千里

原車馬之容

銜轡之制

周禮六儀

六曰車馬之容注容謂翼翼然  
良馬然而前有銜轡之制後有鞭笞之威加以御然  
後能一日  
而致千里  
馬不挈需 塵不出軌  
考工記行數千里  
馬不挈需注挈需

謂傷倦也  
旁塵不出軌

牽

餘轍餘地

人謀馬謀

列子造父師  
秦豆豆曰內

得於心外合馬志與輪之外可使無餘轍馬蹄之外可  
使無餘地夷險視之一也  
周禮軛人進則與馬謀退  
則與人謀注云相應也終歲  
御而衣袵不敝此軛之利也  
左右不捷 人馬相得



又曰終日馳騁左右不捷捷音蹇謂倦也 王

安其

教訓

範我馳驅

傳古之大事必乘其產安其教訓而

子吾為之範我馳驅終日而不獲一

不盡馬情

不窮馬力

史記云御者不盡馬

之情家語顏回曰造父無逸馬東方畢之

并轡援

御馬力盡矣而猶求馬不已馬窮必逸也

桴

登車思獲

右傳張侯御卻子卻子病張侯乃左并轡

禽若未能登車射御則敗績壓覆是惟何暇思獲

霜雪無蹟

衣衽不敝

淮南

子曰太丙之御經霜雪而無蹟詳前社棠也謂轉之利御者不勞也

造父善御

責

父遂死

周時御者檀弓魯莊公與宋人戰縣責父御

卜國為右馬

驚敗績縣責父曰他日不敗績而

御定則驥隨函

十六

今敗績是無勇也遂死之

御失其馳

驂絰而止

穀梁車軌塵馬候蹄御者不失

其馳傳

進退有度

徐疾不愆

以合人心

將調馬

性六轡如濡

執轡如組

規行矩步

既閒且馳

增義和御日

列子御風

山海經每日出羲和為御推升太虛莊子曰列子

御風而行泠泠然善旬五日而後返

良馬固車

急轡數策

韓非子曰夫良馬固

車使載獲御之則為人笑王良御之而日取千里則巧拙相去遠矣淮南子曰急轡數策者非千里之御也

煩且之良

韓樞之巧

韓非子曰齊景公遊少海傳騎從中來謁曰嬰疾甚且死

恐公後之景公遽起傳騎又至景公曰趙駕煩且之乘使騶子韓樞御之行數百步以騶為不疾奪轡代之御

可數百步以馬為不進盡釋車而走以煩且

日行月

動星耀雷奔

淮南子曰若夫鉗且大丙之御除轡銜去觀棄策車莫動而自舉馬莫使而自

走也日行月動星耀而元運雷奔而鬼騰

致師求御

執經相馬

左傳晉侯使張

骼輔蹀致楚師求御於鄭

朝野僉載伯樂令其子執

馬經以求馬經年無似者歸以告父更令求之出見大

蚺蜈謂其父曰得一馬畧與相似而不能具伯樂曰何

也對曰其馬隆顙跌目但蹄不如累趺耳伯樂笑曰此

馬跳躑不

驅車百步總轡萬尋

南史劉德願善御車嘗立兩柱使其

堪御也

中劣通車軸乃於百餘步上振轡長驅未至數尺打牛

奔從柱間直過其精如此藝文類聚總轡萬尋懸車

之懼

疾舒之中

盈縮之勢

鄭氏箋詩御者之良得舒疾之中晉書張華

非淺

傳善御者必識

六轡盈縮之勢

翟文飾乘

朱衣執輿

韓非子曰延陵卓子乘蒼

龍與翟文之乘鉤飾在前錯綴在後馬欲進則鉤飾禁

之欲退則錯綴貫之馬因旁避而逸造父過而為之泣

南史宋孝武武聞劉德願善御為之乘畫輪車幸太宰

江夏王義恭第德願岸著籠冠短朱衣執轡進止甚有

容狀 腐索杆馬 朽轡御馬 四家語子貢問治民於孔子

杆馬 廣文選何異 朽轡御馬 四家語子貢問治民於孔子

執朽轡以御逸馬 効駕園中 御馬宮內 韓非子

為齊王駙駕以渴服馬百日而服成請効駕齊王曰効

駕於園中造父驅車入園馬見池而走造父以渴服馬

久矣今馬見池驛而走雖造父不能治 唐書李輔國

詐言皇帝詣太上皇按行宮中至睿武門高力士呼曰

輔國可御太上皇馬輔國釋 纖阿執轡 蒲梢償轅

而走與力士對執轡還西內

王逸楚辭注纖阿不執轡而御則馬不為盡其力抱朴子外篇蒲梢汗血迅趨之驥足也御非造父則傾負

於嶮

靡旌摩壘

擁蓋策馬

左傳楚許伯御樂伯攝

曰吾聞致師者御靡旌摩壘而還

晏嬰傳晏子出其

御擁蓋策駟意氣揚揚妻語之曰晏子長不滿六尺為

齊相名顯諸侯今子長八尺

為人僕御自以為足要求去

馬自旁逸

驂從後呼

上詳前

劉子通塞篇衛之驂乘見

氣和法備體

御者之非

從後呼車有救厄之意

正心閒

原乘君子之器

迴長者之車

增驂欲馳

服欲步

騁若飛騫若絕

原王尊叱之於劒閣

造

父及之於崑崙

增樂進安勞詎假轡銜之力

歷險

致遠寧藉捶策之威 駿比浮雲追疾風於修路 車  
如流水躡奔電於康衢 原掉鞅而還樂伯有致師之  
勇 數馬而對石慶懷審慎之心

# 御四

增翔行

穆天子傳天子乃遂東南翔行馳驅十里注一舉轡十里行如飛翔

操左右草

韓非子曰王良造父天下之善御者也然使王良操左  
草而咤叱之造父操右草而鞭笞之馬不能行十里共  
故也

推車寄載

又曰造父方耨時有子父乘車過者馬  
驚不行其子下車牽馬請造父助之推

車造父因收器輟而寄載之援其子之乘乃始撿轡時  
災未之用也而馬轡驚矣使造父不能御雖盡力勞身

助之惟車馬猶不肯行也今身使佚且寄載有德於人者有術而御之也

中繩中規

呂氏春秋

東野稷以御見莊公進退中繩左右旋中規莊公曰善以為造父不過也

御馬有法

韓詩外傳

御馬有法矣御民有道矣法得則馬和而歡道得則民安而集

乘車入雲

淮南子原道訓昔者

馮夷大丙之御也乘雲車入雲蜺游微霧驚恍惚

星掌天馬

宋俞文豹吹劍錄曰伯樂姓孫

名揚伯樂星掌天馬故善御馬

駟工庸師

王充論衡王良造父稱為善御以能使不良為良也

如使能御良其不良者不能馴服此則駟工庸師服馭技能何奇而世稱之故曰王良登車馬不罷駕

## 御五

增判唐梁庶為御馬驚判曰戎御近官事資良藝或逐

禽而過表且并轡而授綏克敵是因寡旗攸屬某氏參  
名訓僕奉職佳兵懸父之馬或奔晉侯之車將敗師徒  
小却鉦鼓微旋既獲譴於言司載興慙於無勇鳴轂小  
故猶有伏劍之臣敗軍大尤須聞免胄之客是用捐軀  
不怙視死如歸東野傾軔雖則其罪國書殞首終用可  
嘉足比乘丘之能宜錫滑臺之誅庶執死節以寵鬼雄

書一

增釋名曰書庶也紀庶物也亦言著也著之簡編永不



滅也 說文曰依類象形之謂文形聲相益之謂字著  
於竹帛之謂書 周禮曰保氏以六書教國子 通志  
六書略曰梵書左旋其勢向右華書右旋其勢向左  
慎子曰書契所以識公信也 楊子曰書心畫也傳千  
里之志忘者莫如書 摯虞決疑要注曰尚書臺微名  
用虎爪書告下用偃波書皆不可卒學以防詐偽 論  
衡曰書官諱丙日云倉頡以丙日死也 陶隱居真誥  
曰陰陽分則有三元八會之文又有八龍雲篆光明之

章其後三皇之世演八會之文為龍鳳之章拘省雲篆  
以為順形梵書破分二道壞真從易乃為六十四種之  
書遂播之三十六天上下也 唐虞世南書旨述曰書  
者如也述事契誓者也 筆髓論曰心為君妙用無窮  
故也手為輔承命竭股肱之用故也力為任使纖毫不  
撓尺丈有餘故也管為將帥處運用之道執生殺之權  
虛心納物守節藏鋒故也毫為士卒隨管任使跡不凝  
滯故也字為城池大不虛小不孤故也 又曰欲書之

時當收視反聽絕慮凝神心正氣和則契於妙 又曰  
右軍云書虛紙強筆強紙弱筆遲速虛實若輪扁斲輪  
不疾不徐得之於心應之於手口所不能言也 唐張  
懷瓘文字論曰文則數言乃成其意書則一字已見其  
心可謂易簡之道 書斷曰大道衰而有書利害萌而  
有契書契者決斷萬事者也 唐朝敘書錄曰太宗云  
吾臨古人之書殊不學其形勢惟在求其骨力及得其  
骨力而形勢自生矣 法書要錄曰書者如也舒也著

也記也著明萬事記往知來名言諸無宰制羣有何幽  
不貫何往不經實可謂事簡而應博豈人力哉 又曰

深識書者惟觀神彩不見字形 孫過庭書譜曰觀夫

懸針垂露之異奔雷墜石之奇鴻飛獸駭之姿鸞舞蛇

驚之態絕岸頽峰之勢臨危據槁之形或重若崩雲或

輕如蟬翼導之則泉注頓之則山安纖纖乎如初月之

出天涯落落乎猶衆星之列河漢 郭忠恕書法苑曰

自小篆散而八分生八分破而隸書出隸書悖而行書

作行書狂而草書聖自隸以下吾不欲觀 周越法書

苑曰鶴頭蚊脚二書皆漢詔版所用各象形也 東坡

志林曰真生行行生草真如立行如行草如走未有人

能立能行而不能走也 宋董道廣川書跋曰見鑿於

山不喪其天見蜩於林不分其神誠能如此可以語書

又曰古人用筆時一法不立故衆技隨至於見空時

得無字相此其不落世檢而天度自全也 又曰峻拔

一角潛虛半股書法體裁當如此矣至於分若抵背合

如并目以側映斜以斜附曲然後成書古人於此蓋盡之也 又曰觀書似相家觀人得其心而後形色氣骨可得而知也 宋黃伯思東觀餘論曰昔人搦書欲如水月鏡像故應郭填乃造微耳 翰墨志曰字有真行草隸篆各成一家若通其變則五者皆在筆端了無閼塞非學力不倦至有筆塚研山者未易語此也 米元章海嶽名言曰學書須得趣他好俱忘乃入妙別為一好繁之便不工也 宋裨類鈔曰歐陽文忠公云作字

要熟熟則神氣完實而有餘於靜坐中自是一樂事

元鄭杓衍極曰古文如春籀如夏篆如秋隸如冬八分行草歲之餘閑也 又曰篆貴圓隸貴方圓效天方法

地圓有方之理方有圓之象 潛確類書曰章草古隸

之變也行草今隸之變也芝旭草又行草之變也 又

曰郝陵川論書云心正則氣定氣定則腕活腕活則筆端筆端則墨注墨注則神凝神凝則象滋無意而皆意不法而皆法 又曰臨書易失古人位置而多得古人

筆意摹書易得古人位置而多失古人筆意臨書易進  
摹書易忘經意與不經意也 王弼州四部稿曰書力  
可八百年至千年而神去千二百年絕矣 山堂肆考  
曰凡草書之體如人坐卧行立揖遜忿爭乘舟躍馬歌  
舞擗踊一切變態各有義理不可忽也 又曰黃山谷  
與黨伯舟書云大概楷法欲如快馬斫陣草法欲左規  
右矩此古人妙處也 天中記曰安息國書草旁行為  
書記服虔曰橫行為書記也



## 書二

增古三墳曰伏羲始畫八卦命臣飛龍氏造六書 隋  
巢子曰史皇產而能書 春秋元命苞曰倉頡製字天  
為雨粟鬼為夜哭龍乃潛藏 孫卿子曰作書者衆而  
倉頡獨傳用心一也 法書要錄曰周史籀師模倉頡  
古文損益而廣謂之為篆亦曰史書又作籀文折直勁  
迅有如鏤鐵而端姿旁逸兼婉潤焉 王子年拾遺記  
曰浮提之國獻神通善書二人乍老乍少隱形則出影

聞聲則藏形出肘間金壺四寸上有五龍之檢封以青泥壺中有黑汁如淳漆灑地及石皆成篆隸科斗之字

家語曰宓子賤仕魯為單父令請君近吏二人與俱至官令二吏書輒掣其肘書不善則從而怒之吏患焉辭歸魯君以問孔子對曰不齊君子也其材任霸王佐屈節治單父以自試意者其以此諫乎公寤太息歎曰寡人亂宓子之政而責其善者數矣法書要錄曰上谷王次仲變倉頡書為今隸秦時官務繁多得次仲文

簡略赴急疾之用三徵不至制檻車送之於道化為大  
鳥翻然長引浴二翮於西山 又曰秦下邳人程邈幽  
繫雲陽獄中覃思十年益大小篆方圓為隸書三千字  
奏之 又曰滕公塚內得石銘人無識者惟叔孫通云  
此古文科斗書也 山堂肆考曰蕭何作未央殿成用  
秃筆題額時謂之蕭籀 漢書曰田蚡學監孟諸書孔  
甲三十六篇雜家詩 西京雜記曰傳介子年十四好  
學書嘗棄觚而嘆曰大丈夫當立功絕域何能坐事散

儒原漢書曰元帝多才藝善史書

應劭曰周宣王太史史籀所作大篆

也

又曰陳遵長八尺餘長頭大鼻容貌甚偉畧涉傳

記膽於文辭性善書與人尺牘主皆臧弃以為榮後

漢書曰顯宗問班固卿弟安在固對與官寫書受直以

養老母帝乃除超為蘭臺令史又曰張奐長子芝字

伯英最知名芝及弟昶字文舒並善草書至今稱傳之

增後漢書曰孫敬字文寶少時晝地學書日進焉

神仙傳曰東郭延服靈飛散能夜書原三輔決錄曰

趙襲燉煌太守先是杜伯度崔子玉以工草書稱於前世襲與羅暉亦以能草頗自矜誇故張伯英書與襲同郡太僕朱賜書曰上比崔杜不足下方羅趙有餘增書法要錄曰漢靈帝熹平間詔蔡邕作聖皇篇篇成詣上時方修飾鴻都門見役人以墜帚成字心有悅焉歸而為飛白之書羊欣筆法曰伯喈入嵩山學書於石室得一素書八角垂芒篆寫李斯并史籀用筆勢因誦讀三年妙達其旨書斷曰後漢劉德升以造行書擅

名既以草勑亦甚研美風流婉約獨步當時 蔡琰別

傳曰琰對曹操曰乞給紙筆真草唯命也 集事淵海

曰師宜官每書輒削焚其札梁鵠乃並為板而飲之酒  
候其醉而竊其札卒以工書至選部尚書 天中記曰

魏受禪碑王朗文梁鵠書鍾繇鑄字謂之三絕 法書

要錄曰魏鍾繇才思通敏真書絕世剛柔備焉點畫之

間多有異趣可謂幽深無際古雅有餘秦漢以來一人

而已 梁武帝觀鍾繇書法曰子敬之不迫逸少猶逸

少之不迨元常學子敬者如畫虎也學元常者如畫龍也魏志曰胡昭善尺牘動見模楷衛覲好古文鳥篆隸草無所不善也吳書曰張紘好文學善楷篆孔融常遺其書曰前勞手筆多篆書每舉篇見字欣然獨笑如復見其人也法書要錄曰吳處士張宏篤學不仕恒著烏巾時號張烏巾并善篆隸其飛白妙絕當時飄若游雲激如驚電飛仙舞鶴之態殆有類焉宣和書譜曰吳皇象工八分篆草論者以比龍螭蟄啟蟠屈騰

蹕有縱橫自然之妙或謂如歌聲遶梁琴人捨徽則又見其遺音餘韻得之筆墨外也 三輔決錄曰韋誕字

仲將諸書并善洛陽鄴許三都宮觀始成詔仲將題署御筆墨皆不任用因奏若用張芝筆左伯紙及臣墨兼此三具又得臣手然後可以逞徑丈之勢 原王隱晉

書曰索靖字幼安燉煌人精草法武帝愛之時尚書令衛瓘字伯玉世號瓘得伯英之筋靖得伯英之肉一臺二妙天下為希 增法書要錄曰衛夫人名鑠字茂猗



隸書尤善鍾公云碎玉壺之冰爛瑤臺之月婉然芳樹  
穆若清風 又曰晉張華高才達識善章草書體勢尤  
古度德比義稽叔夜之倫也 羊欣筆陣圖曰王羲之  
年三十七書黃庭經空中有語曰卿書感我而況人乎  
吾是天台丈人也 又曰王羲之書祭北郊祝版工人  
削之入木三分 晉書曰王羲之嘗詣門生家見梨几  
滑淨因書之真草相半後為其父刮去之門生驚懊累  
日 天中記曰王獻之於會稽山見一人黑身披雲而

下左手持紙右手持筆以遺獻之獻之受而問曰君何  
姓字復何遊筆計安施答曰吾象外為家不變為姓五  
常為字其筆跡豈殊吾體耶獻之被服斯言退而臨寫  
向逾三載竟昧其微 又曰王獻之七八歲時學書義  
之密從後掣其筆不得嘆曰此兒後當復有大名 法  
書要錄曰王子敬善草隸幼學於父後別創其法率爾  
師心冥合天矩至於行草興合如孤峯四絕迥出天外  
其峭峻不可量也 山堂肆考曰王獻之字畫秀媚妙

絕時倫與父俱得名有問義之云世論卿書不逮獻之  
答曰殊不爾也他日見獻之問尊君書何如獻之不答  
論者曰君固當不如獻之笑而不答曰人那得知也

書斷曰薄紹之善書風格秀異若干將出匣光芒射人  
法書要錄曰顧長康善書小名虎頭時人號為三絕  
癡書畫也鄴中記曰石虎有馬妓著朱衣進賢冠立  
於馬上馬走作書字皆端正謂之飛騎書宋書曰謝  
超宗謂王慈曰卿書可及虔公慈曰我之不及父猶難

之不及鳳也時人以為名谷 齊書曰太祖善書及登位篤好不已與王僧虔賭書畢謂虔曰誰為第一僧虔對曰臣書臣中第一陛下書帝中第一上笑曰卿可謂善自為謀矣 書斷曰齊王僧虔善書孝武欲擅書名僧虔不敢顯迹大明之世常用拙筆以此見容 南史曰齊江夏王蕭鋒年四歲倚井欄為書滿則洗之已復更書五歲高帝使學鳳尾諾一學即工帝大悅以玉麒麟賜之曰麒麟賞鳳尾矣 又曰齊衡陽王子鈞嘗手

自細書五經賀介曰殿下家自有墳素何用蠅頭細書

宣和書譜曰蕭子雲以書得名時百濟國使人至建業求書適子雲出麾東陽維舟將發使者望舟次膝丐而前曰侍中尺牘之美流傳海外今日所求惟在名蹟子雲為停舟三日書三十紙與之 顏氏家訓曰蕭子

雲每嘆曰吾著齊書勒成一典文章弘義自謂可觀唯以筆迹得名亦累事也 南史曰王彬志弟也仕梁武帝為秘書監篆隸與志齊名時人為之語曰三真六草

為天下寶 梁武帝答陶隱居書曰吾少來乃至不能  
嘗畫甲子無論於篇紙老而言之亦復何謂 王子年  
拾遺記曰琅琊王溥挾竹簡揮筆於洛陽市傭書美於  
形貌又多文辭來僦其書者丈夫贈以衣冠婦人遺以  
珠玉洛陽稱為善筆而得富焉 陳書曰蕭引善隸書  
為當時所重宣帝嘗披奏指引署名曰此字筆勢翩翩  
似鳥之欲飛引謝曰此乃陛下假其毛羽耳 海錄碎  
事曰北齊朝會後諸郡守勞訖遣陳事宜字有謬誤及

書跡濫劣必令飲墨水一升 法書要錄曰智永嘗居  
永欣寺閣上臨書所退筆頭置於大竹簾簾受一石餘  
而五簾皆滿 又曰唐虞世南書得大令之宏規含五  
方之正色姿榮秀出智勇在焉秀嶺危峰處處間起行  
草之際尤所偏工是則東南之美會稽之竹箭也 書  
斷曰唐褚遂良善書少則服膺虞監長則祖述右軍真  
書得其媚趣若瑤臺青瑣宮映春林美人嬋娟不任羅  
綺鉛華綽約則歐虞謝之 書數曰歐陽率更未嘗擇

筆而皆得佳趣論者謂其飛白冠絕有龍蛇戰鬪之象  
雲霧輕飄之勢真行森森焉若武庫矛戟至使智永奪  
氣蓋絕藝也 集事淵海曰唐張旭嗜酒每大醉呼叫

狂走乃下筆或以頭濡墨而書既醒自視以為神不可  
復得也 又曰僧懷素疎放不拘細行飲酒以養性草  
書以暢志酒酣興發遇寺壁里牆靡不書之貧無紙乃  
種芭蕉萬餘株以供揮灑 宣和書譜曰顏真卿字清  
臣論者謂其書點如陞石畫如夏雨鈎如屈金戈如發



弩自篆籀分隸而下同為一律號為大雅豈不宜哉

集事淵海曰顏魯公與懷素同學草書於鄆兵曹或問  
曰張長史見公孫大娘舞劍得低昂回翔之狀兵曹有  
之乎懷素以古釵腳為對魯公曰何如屋漏痕 海錄  
碎事曰李陽冰善小篆自謂倉頡後身時謂之筆虎

楊升庵集曰唐徐浩書張九齡司徒告身多渴筆渴筆  
枯無墨也在書家為難 法書苑曰李邕書始變右軍  
行法頓挫起伏李陽冰謂為書中得仙手 陳繼儒書

畫史曰葉法善欲求李北海書碑北海為括蒼太守不可強乃攝其魂書之唐書曰穆宗政僻嘗問公權用

筆何盡善對曰用筆在心心正則筆正上改容知其筆諫也舊唐書曰柳公權大中初宣宗召至御前書真草行三紙軍容使西門季元捧硯樞密使崔巨源過筆賜錦綵餅監等器仍令自書謝狀勿拘真行帝尤奇惜之唐張泌妝樓記曰劉秦妹善臨寫右軍蘭亭及西安帖足奪真跡秦亦當時翰林書人也宣和書譜曰

仙女吳彩鸞謂進士文簫曰與汝自有冥契今當往人世矣簫拙於為生彩鸞為以小楷書唐韻一部市五千金為糊口計一日間能了十數萬字非人力可及也

又曰五代王仁裕一夕夢剖其腹腸胃引西江水浣之觀水中沙石皆有篆文自是正書清勁自成一家天中記曰南唐後主李煜書作顫筆樛曲之狀遒勁如寒松霜竹謂之金錯刀宣和書譜曰神仙鍾離先生名權不知何時人而間出接物嘗草其為詩字畫飄然有

凌雲之氣 宋張世南游宦紀聞曰楊凝式筆迹適放  
宗師歐顏加以縱逸遇山水勝概輒流連賞詠顧視引  
筆且吟且書若與神會率寶護之 宋史曰張鑄善筆  
札老能燈下細書如蠅頭由晉以來天地宗廟及上徽  
號封拜王公冊文皆詔鑄書之 天中記曰宋唐希雅  
學李後主金錯刀書有一筆三過之法雖若甚瘦而風  
神有餘 又曰石延年字曼卿志氣豪邁嗜飲以自放  
奇篇寶墨多得於醉中真一代文翰之雄也 楊升庵

集曰東坡尺牘狎書姿態橫生蕭散容與霏霏如零春  
之雨森疎掩斂熠熠如從月之星紆徐婉轉纏纏如抽  
繭之絲恐學者所未到也 宋稗類鈔曰東坡嘗自云  
吾酒後乘興作數十字覺氣拂拂從十指中出也 又  
曰黃山谷云蘇翰林用宣城諸葛齊鋒筆作字疎疎密  
密隨意緩急而字間妍媚百出頗為世人所重 又曰  
徐州有營妓馬盼者甚慧麗東坡守徐日極喜之公嘗  
書黃樓賦未畢盼竊效公書山川開合四字公大笑略

為潤色不復易之 又曰黃山谷在宜州嘗書范滂傳  
字徑數尺筆勢飄動後百年趙忠定得之寶置巾篋縉  
紳題跋如牛腰焉 又曰王榮老欲渡觀江七日風作  
不得濟父老曰公篋中必蓄寶物此江神極靈當獻之  
得濟榮老自顧無所有唯一玉麈尾即以獻之風如故  
又以端研獻之風愈作又以宣州包鼎虎障子獻之皆  
不驗夜卧念曰猶有黃魯直草書扇頭題韋應物詩試  
持獻之香火未收天水相照南風徐來張帆一餉而濟

又曰徽皇聞米芾有字學一日於瑤林殿張絹圖方  
廣二丈許設瑪瑙研李廷珪墨牙管筆金硯匣玉鎮紙  
水滴名米書之上映簾觀賞米反繫袍袖跳躍便捷落  
筆如龍蛇飛動又曰上與蔡京論書京歎名米芾至  
令書一大屏上指御案間研使就用之書成捧硯跪請  
曰此研經賜臣芾濡染不堪復以進御取進止上大笑  
因以賜之世說新語補曰米元章在真州謁蔡攸於  
舟中攸出右軍王畧帖示之元章驚歎求以他畫易之

攸有難色元章曰若不見從某即投此江死矣因大呼  
據船舷欲墮攸即與之 宋史曰蔡襄字君謨書為當  
時第一仁宗尤愛之製元舅隴西王碑文命書之及令  
書溫成后父碑則曰此待詔職耳不奉詔 宣和書譜  
曰蔡太師京深得羲之筆意自名一家大字莊重遒勁  
魏魏若巨黿之載崑崙翩翩如大鵬之翻溟海斯一時  
之壯觀也 宋稗類鈔曰宋諸王孫趙孟堅字子固酷  
嗜法書嘗購得白石舊藏五字不損本禊序過雪之升



山風作舟覆子固方被濕衣立淺水中手持禱帖示人  
曰蘭亭在此餘不足介意也 潛確類書曰趙子固目  
姜堯章為書家申韓 宣和書譜曰山人蒲云作正書  
甚古嘗以雙鉤字寫河上公注道德經筆墨清細若游  
絲縈漢孤煙裊風 金史曰吳激米芾之壻也工詩能  
文字畫俊逸得芾筆意 又曰翰林學士王競善草隸  
書工大字兩都宮殿榜題皆競所書士林推為第一  
中州集曰金趙秉文富才藻工書翰字畫有晉魏風調

而草書尤警絕殆天機所到非學能至 金史曰趙沨

正書體兼顏蘇行草備諸家體超放又似楊凝式當處

蘇黃伯仲間 中州集曰金党懷英篆籀入神李陽冰

以後一人而已 又曰金王中立好作擘窠大字往往

瞑目為之筆意縱放勢若飛動一日來都下館於閑閑

趙公家就公索墨水一槃明旦不告而去啟間留龜鶴

二字廣長一丈而水墨具在不知以何物書之也 金

史曰王庭筠書法學米元章與趙沨趙秉文俱以名家

召為應奉翰林文字命與祕書郎張汝方品第法書名畫又曰麻九疇七歲能草書作大字有及數尺者

元史曰台哈布哈善隸篆溫潤適勁又曰學士庫庫善

真草行書識者謂得晉人筆意單牘片紙人爭寶之不啻金玉又曰趙文敏孟頫篆籀分隸真行草書無不冠絕古今天竺有僧數萬里求其書歸國中寶之潛確類書曰胡汲仲謂子昂書上下五百年縱橫一萬里舉無此書元史曰揭傒斯善楷書行草朝廷大典冊

及元勲茂德當得銘辭者必以命焉 又曰周伯琦以篆隸真草擅名嘗著六書正譌說文字原二書至正間命篆宣文閣寶及篆王羲之所書蘭亭序智永所書千文刻石閣中 元伊世珍瑯嬛記曰有黃華者雙手能寫二牘或楷或草揮毫不輟各自有意 從信錄曰元余闕為文淳古有氣亦工篆籀 明朱國禎開國臣傳曰長洲宋克工章草日費千紙用筆精妙祝允明謂其書如初筵見三代肉爨蓋有天授非人工也 列朝詩

集本傳曰明金琮善書初法趙子昂晚年學張伯雨文  
待詔極喜之得片紙皆裝潢成卷題曰積玉 又曰徐  
武功伯有貞草書奇逸自負入神登山臨水醺酒悲歌  
筆墨淋漓流傳紙貴 又曰金陵徐霖九歲能大書操  
筆成體嘗得篆法於異人李長沙見之曰此周伯溫之  
流吾不及也 又曰李少師東陽罷相家居購請詩文  
書篆者填塞戶限頗資以給朝夕一日夫人方展紙砥  
墨公有倦色夫人笑曰今日方設客可使案無魚菜耶

遂欣然命筆移時而罷 又曰張民表喜飲及草書飲

少許即頽然揮灑放筆謂有神助 又曰崑崙山人張

詩草書狂放有筆力李中麓嘗戲之曰君書揭之壁間

不獨驚人亦可以驅鬼也 又曰史癡翁忠有愛妾何

氏名玉仙能篆書小畫 從信錄曰廣東順德縣李氏

生子名世嶼二歲不言善書大字如白沙先生體 王

弇州藝苑卮言曰楊慎謫戍雲南益自放嘗作雙丫髻

插花遊行城市諸伎衣精白綾襪衣酒間乞書醉墨淋

瀉嘗語人曰老顛欲裂風景聊以耗壯心耳 列朝詩

集小傳曰董文敏其昌天姿高秀臨池染翰揮灑移日  
皆以為米元章趙子昂一流人也 又曰長洲祝允明  
五歲作徑尺字長學書自急就以逮虞趙上下數千年  
罔不得其結構海內索書者醵幣踵門輒辭弗見伺其  
狎遊使女伎掩之皆捆載以去 明陳繼儒香案牘曰

李含光工篆隸或稱過其父一聞之終身不復書 列  
朝詩集本傳曰文待詔生平雅慕趙文敏故其詩文書

畫約略似之

書三

原六書

八體

書周禮

六藝

五曰六

漢書詳文字

崩雲

垂露

蔡邕

表曰

重似崩雲

古今

篆隸

曰垂露

書漢中

郎曹

喜所作也

以書章奏為點綴輕露於垂條也

鳥跡

蟲書

倉頡觀鳥跡而成

字科斗古文也

鍾張

義獻

鍾繇張芝皆善

子獻之並善書故號

二王書皆曲盡其妙

換鵝

取劍

王羲之為山陰道

籠鵝而去

世說荀勗窮劍直百萬在母鍾夫

人所鍾會善書學荀子跡作書與母取劍不還

曲藝

小學

書也

漢元始中徵天下通小學者以百數各

令記字於篋中揚雄取其可用者作訓纂篇

小學

書也

漢元始中徵天下通小學者以百數各

小學

書也

漢元始中徵天下通小學者以百數各

令記字於篋中揚雄取其可用者作訓纂篇

小學

書也

漢元始中徵天下通小學者以百數各

令記字於篋中揚雄取其可用者作訓纂篇

小學

書也

漢元始中徵天下通小學者以百數各

令記字於篋中揚雄取其可用者作訓纂篇



墨妙 筆精 墨池 彩筆 增書聖 草賢

南史曰王

志僧虔之次子也仕梁武帝為散騎常侍善篆隸當時以為楷法齊遊學將軍徐希秀亦號能書嘗謂志為書

聖 法書要錄曰崔瑗善草草王隱謂之草賢 墨禪 字詰 宋沈括補筆談曰章樞密子厚

善書嘗自謂墨禪 後魏江式論書表曰魏初博士清河張揖著埤倉廣雅古今字詁 驚座

登床 法書要錄曰杜陵陳遵後漢人書隸篆每書一座皆驚時人謂為陳驚座 又曰唐太宗宴羣臣於

元武門操筆作飛白書眾臣乘酒就太宗手中競取散騎常侍劉洎登御床引手然後得之太宗笑曰昔聞婕

妤辭筆今見 棲毫 輟翰 溫庭筠啟勸則樓毫慙斯輟翰 天骨

人工 庾肩吾書品論曰亞聖子敬泥帚 八分 五合 早驗天骨兼以掣筆復識人巧

書苑曰蔡文姬言割程隸字八分取二分李篆字二分取八分故名八分吾行則以為存隸八分就篆二分

孫過庭書譜曰書有五合神怡務閑一合也感物備知二合也時和氣潤三合也紙墨相發四合也偶然欲

書五合也三體六文王僧虔名書錄曰鍾繇書有三體合也三體六文一曰銘石正書最妙者也二曰章

程謂對書三曰行狎謂行書相間者也合璧事類曰蕭子良古今篆隸文體敘書凡數十種皆出於六文八

體而因事生變者也古肥今瘦法書要錄曰世之學者宗二

有過人之論後生遂爾雷同元常謂之古肥子敬謂之今瘦今古既殊肥瘦頗反如自省覽有異衆說

鶴頭龍爪衛夫人筆陣圖曰耿介特立如鶴頭鬱拔

台還會稽上洞庭題柱為一飛筆塚篆室天中記字有龍爪形後遂有龍爪書

僧懷素學草書棄筆堆積埋於山下號曰筆塚唐舒元興策志曰趙郡李氏子陽冰獨能窮入篆室隔一千

年與李斯相見其格峻其力猛天以字寶瑞吾唐矣

八訣

三昧

山堂肆考曰歐陽詢八訣

謂、如高峯之陞石、如長空之新月、一若千里之陣雲、如萬歲之枯藤、如崩松倒折落挂石崖、丁如萬

鈞之弩發、如利劍截斷之角、如一波常三過筆、宣和書譜曰釋懷素精意翰墨自謂得草書三昧

象形

垂脚

山堂肆考曰剪刀篆韋誕所作象其形也又曰小篆俗皆喜長太長則無法但以

方楷一字半為度一字為正體半字為垂脚脚不過三當以正脚為主餘畧收短止如旛脚

發墮

鑿垣

合璧事類曰舊傳樂毅論乃羲之親書於石其

石本在其後隨太宗入昭陵朱梁時耀州節度使郭崇韜發昭陵得之因復傳人間又曰唐王涯居永寧里

蓄書畫以金玉為匣軸鑿垣貯之重複固秘  
及被誅為人破垣剔取金玉而棄其書畫

玉筋

金剪

錦繡萬花谷曰李斯變倉頡籀文為玉筋篆成一  
家法續神仙傳曰司馬承禎工篆別為一體名

金剪

三品

九法

合璧事類曰書有十體其優劣之  
差為神妙能三品居神品者二十

有五妙品九十有八能品一百有七古今善書盡在是  
矣梁庾元威論書曰宋中庶宗炳出九體書所謂繚  
素書簡奏書跋表書弔記書行狎書檄書葉書  
半草書全草書此九法極真草書之次第焉

題宮

書寺

張懷瓘書斷曰許靜民善題宮額其草稍乏筋  
骨亦李景則之亞也孔帖曰梁武造寺命蕭

子雲飛白大書蕭字李約見之竭產  
買歸東洛建小室以旣之號曰蕭齋

蠅尾

蠅頭

法書

要錄曰索靖字幼安散騎常侍張芝妙之孫也傳芝草  
而形異甚矜其書名其字勢曰銀鉤蠅尾列朝詩集

本傳曰明嘉善周鼎年近九十修杭州志燈下書蠅頭字界畫烏闌信手與目不折紙為範毫髮不爽

書奴

田僕

山堂肆考曰釋亞棲善草書自云凡書通

體智永禪師褚遂良顏真卿李邕虞世南等並得中書法後皆自變其體俱得傳名若執法不變號曰書奴

合璧事類曰李後主云顏魯公書端勁有法而無佳處正如人手並脚田舍僕耳

陳牒致

簡又來顛怒而責之老人曰愛公妙墨欲家藏無他也

老人因復出其父書天下奇筆也自是盡其法肆考曰有寒士與張旭為鄰數致簡得其報章遂驚於

市因以

金榜

銀鈎

杜詩曰書入金榜懸衛夫人

筆六藝之奧莫美乎銀鈎

小聖

亞聖

古今書法苑曰獻之書遠不及父而媚趣過之小真

書窮微入聖筋骨緊密不減於父故謂之小聖法書要錄曰張景字文舒伯英季弟尤善草書類伯英時

人謂之

亞聖

懸帳

綴衣

天中記曰梁鵠少好書受法於師宜官以善八分知名曹操甚

愛其書嘗懸紙帳中又以釘壁觀之

國史異纂曰晉

侍中王廙工飛白得索靖書七月二十六日一紙每寶

觀之遺永嘉喪亂乃四疊綴衣中以渡江

隱鋒破

今蒲州桑泉令豆盧罷得之疊跡猶在

體王右軍題筆陣圖後曰鍾繇弟子宋翼每作一波常

三過折筆每作一點常隱鋒而為之

唐徐浩論書

曰鍾善真書張稱草聖右軍

載石

削玉

廣川書跋曰顏太師

行法小令破體皆一時之妙

以書自娛晚年嘗載石以行礮而藏之遇事以書隨所

在留其所錫石人得見之故今獨以書名宣和書譜

曰五代張徐州行書亦自

得心

稱貌

仇池筆談曰

不凡筆力清勁勢如削玉

書之神運雖

得之於心然法度必資講學凡字須均平若筆畫多寡相遠不可使停寡在左則取上齊吟字是也寡在右則取下齊知字是也東坡志林曰歐陽詢貌寒微敏悟過人其書勁險厲正稱其貌耳是知凡書象其為人

# 原為四體

## 正六經

衛恒字巨山善草隸為四體書蔡邕以經籍去聖久遠文字

多誤乃奏求正定六經文字帝許之邕自書丹於碑使工鐫刻立於太學門外始成觀視模寫者車日千餘輛

# 臨池水

## 書窗塵

弘農張芝字伯英善草書專精其巧臨池學書池水盡黑蕭鋒貧

無紙書窗塵

## 書竹扇

## 書練裙

書法云右軍見一老嫗賣六角竹扇因取

積而書之

書之扇各增其價嫗後求書笑而不答王廐之甚知愛羊欣嘗夏月入縣羊著新練裙晝寢王書數幅而去

# 增傳百世

## 成一家

山堂肆考曰宋張安國跋山谷帖豫章先生孝友文章師表一

世咳咄之珠聞者興起況其書又入神品宜其寶傳百  
世宣和書譜曰唐李陽冰留心小篆見李斯嶧山碑

與仲尼延陵季子字遂得其  
法乃能變化開合自名一家

麒麟書

花草書

山堂肆考

曰孔子弟子感麒麟作麒麟書  
花草書始於齊武帝觀落英茂木為之

又曰

五朵雲

百

釣弩

孔帖曰韋陟嘗以五彩箋為書記使侍妾主之其  
裁谷受意而已皆有楷法陟惟署名自謂所書陟

字若五朵雲時人慕之號卯公五雲體  
王右軍題筆  
牌圖後曰鍾繇弟子宋翼每作一戈如百釣之弩發

給絹素

賜絲箋

宣和書譜曰唐裴行儉工草隸以  
書名家高宗嘗以絹素詔寫文選

書奏極嘉賞  
韓擇木嘗於絲箋上八分書賜張說

合璧事類曰唐明皇師

元和脚

元

右脚

天中記曰柳公權在元和間書最有名故劉禹錫  
詩有云柳家新樣元和脚且盡莖芽斂手徒也



後山集曰徐清字靜之蓬萊女官也書效魯直妍妙可喜陳無已詩云蓬萊仙子補天手筆妙詩清萬世功肯

學黃家元祐脚信

本務光

始衛瓘

山堂肆考曰瓘葉篆曹喜本務

光之法垂枝濃直

又以小篆書之按務光堯時人嘗作倒薤之書又曰柳葉篆始於晉衛瓘

書章

表觀星象

山堂肆考曰垂露篆點綴輕盈象露之垂曹喜以書章表又曰璚珞篆始於劉德

升觀星

金人銘

和氏璽

津逮祕書曰韋誕云崔氏之肉張氏之骨其章草金

人銘可謂精熟至極法書要錄曰始皇以和氏之璧琢而為璽今斯書其文今泰山嶧山秦望等碑並其遺

跡亦可謂傳國之

吞丹篆

灑仙毫

孔帖曰韓退之嘗說少時夢人

與吞丹篆後胸中如物噎能記其上一兩字筆勢非人間書也又曰劉禹錫謝手詔表云特紆睿思親灑仙

毫

紫金鈿

烏絲欄

唐張懷瓘二王書錄曰往在翰林中見古鐘二枚高二尺圓尺

餘上有古文百許字記夏禹功績字皆紫磨金鈿光彩射人 廣川書跋曰翟湛常以烏絲欄求豫章黃魯直

為書 寫硬黃 拈鮮碧 列朝詩集本傳曰明初張樞工行楷陶南村贈詩云寫書竹簡

拈鮮碧臨帖箋藤寫硬黃可想見其風致也 鴻都碣 石室書 衛夫人筆陣圖曰昔

秦丞相斯見周穆王書七日興歎患其無骨蔡尚書人鴻都觀碣十旬不返嗟其出羣 事見上文 銘

九鼎

撰三倉

孔帖曰鍾紹京以善書直鳳閣武后時署諸宮殿明堂及銘九鼎皆其筆也

法書要錄曰漢和帝時賈魴撰滂熹篇以倉頡為上篇訓纂為中篇滂熹為下篇所謂三倉也皆用隸字寫之

有佳趣

無凡筆

宋黃伯思東觀餘論曰白樂天書不名世然投筆皆契繩矩時有佳

趣 列朝詩集小傳曰崑山俞允文工於臨池正書規範歐陽行書出入襄陽應酬揮灑頃刻數十函無凡筆

# 換羊書 走馬書

宋趙德麟侯鯖錄曰魯直戲東坡云昔王右軍字為換鵝字韓宗儒

性饕餮每得公一帖於殿帥姚麟許換羊肉十數斤可名二文書為換羊書矣 酉陽雜俎曰建中初河北有

軍將姓夏者能走馬書一紙

# 撮襟書 染指書

宣和書譜曰江南後主李煜善書畫

其作大字不事筆卷帛而書之皆能如意世謂撮襟書宋馬永卿懶真子曰溫公私第有棣華齋巫咸榭賜

書閣諸處榜額皆公染指書字大尺許

# 除寒具 削棐板

梁虞翻論書表云桓元愛

重書法每譙集輒出法書示賓客客有食寒具者仍以手捉書大點汙後出法書輒令客洗手兼除寒具又

曰謝奉起廟用棐材右軍取棐書之滿林奉收得一大簣子敬後往謝為說右軍書甚佳而密已削作數十棐

板請子敬書之亦甚合奉並珍錄

十牒屏 四匹素

梁庾元威論書曰余經為正階

侯書十牒屏風作百體間以采墨當時衆所驚異自爾絕筆惟留草本而已 法書要錄曰王珉洽之少子常

書四匹素自朝操筆至暮便竟首尾如一子 敬戲云弟書如騎驃駁駁欲度驂騑前矣

玉匣藏

錦袋貯

尚書故實曰太宗有大王書二千六百紙皆以丈二尺為軸獨蘭亭用玉匣貯之後并藏

於昭陵 潛確類書曰右軍所書樂毅論太平公主愛之以錦袋貯置箱中及籍沒老嫗投之火中香聞數日

原足記姓名

安事筆硯

漢書項羽少時學書不成乃曰書足以記姓名而已

班超投筆歎曰大丈夫安能久事筆硯乎

巧同懸露

妙等崩雲 增

紙田墨稼

筆刀硯城

合璧事類曰蔡洪赴洛人問吳中舊業曰紙為良田筆為鋤耒

墨為稼穡義理為豐年 王右軍題筆陣圖後曰夫紙

者陣也筆者刀稍也墨者鑿甲也水硯者城池也心意

者將軍也本領者副將也結構者謀畧也颺

筆者吉凶也出入者號令也屈指者殺戮也

印泥畫

沙遊天戲海 筆如印泥畫沙始不悟後於江岸以錐

畫字始信長史之言貴藏鋒也 宣和書譜

曰梁武帝謂鍾繇書如舞鶴遊天飛鴻戲海 取妍取

險近弱近佻 山堂肆考曰凡作楷墨欲乾不可太燥

墨濃則筆滯滯則筆枯 王弼州四部稿曰元人自趙

吳興外虞伯生差古雅鮮于必仁朗朗有父風揭曼碩

父子美而近弱張

伯兩健而近佻 掌虛指實 心正氣和 山堂肆考

法指實則用力均平掌虛則運用便易 又曰凡書

在心正氣和心不正筆則欹斜氣不和書必顛仆

大篆小篆

飛草散草

潛確類書曰秦丞相李斯云自上古作大篆頗行於世但為古

遠人多不詳今刪畧繁者取其合體參為小篆是曰秦篆斯小篆入神大篆入妙又曰蔡君謨以散筆作草

書謂之散草

亦曰飛草

鋒銳圭角

形質性情

山堂肆考曰凡用筆不欲太肥

肥則形濁不欲太瘦瘦則形枯不欲多露鋒銳露鋒銳則意不持重不欲深藏圭角藏圭角則體不精神又

曰凡真書以點畫為形質使轉為性情草書以點畫為性情使轉為形質縱橫牽掣謂之使鈎環盤紆謂之轉

向背得宜謂之點畫

玉潤金生

冰釋泉湧

墨數曰褚遂良書字裏金生行間玉

潤宣和書譜曰郝愔作章草尤工下筆若冰釋泉湧雲奔龍騰態度既多而筋骨有餘

永欣十

文

海嶽四詠

事詞類奇曰右軍孫智永居永欣寺於閣上臨得真草十字文好者八百餘本

江東諸寺各施一本今有好事者猶直數萬錢說郭曰  
胡氏雜記云米元章海嶽庵四詠其字險勁飄逸尤為

奇絕  
**自然雄逸**  
**天然勁道**  
天中記曰石曼卿正書入妙品尤善題壁不擇紙筆

自然雄逸又曰隋東都內慧日道場僧敬脫善正書  
大筆寫方文字天然勁道時號僧傑其筆管麗如臂可

長三尺東都門額皆脫所  
題隨意賦筆更不修飾  
**落玉懷珠**  
**飛毫拂素**  
海錄

碎事曰梁升卿小篆如落玉懷珠唐詩紀岑文  
本奉述飛白書勢詩云飛毫列錦繡拂素起龍魚  
**端**

**嚴尊重**  
**綿密嫋嫋**  
宣和書譜曰顏魯公晚年筆力迫與前異歐陽修復其斷碑而跋之

云如忠臣烈士道德君子端嚴尊重使人畏而愛之雖  
其殘闕不忍棄也又宋蕭思話初學書於羊欣下筆

綿密嫋嫋當時有虎鷗  
雁驚遊戲沙汀之比  
**鍾瘦胡肥**  
**宋寒李俗**  
南昌集曰

鍾繇與胡昭并師劉德升草書世傳胡肥鍾瘦仇池  
筆談曰世多稱李建中宋宣獻二人書不知宋寒李俗

殆浪得名耳  
**金題玉躑**  
**牙軸羅標**  
張懷瓘二王等書錄  
曰二王繡素書珊瑚

軸二帙二十四卷紙書金軸二帙二十四卷又紙書  
瑁軸五帙五十卷並金題玉躑織成帶唐武平一徐

氏法書記曰天后閱法書數軸符搆以賜藩邸宮人  
出六十餘函於億歲殿曝之多裝以鏤牙軸紫羅標

**輕濃得中**  
**修短合度**  
法書要錄曰歐陽詢曰張烏巾  
飛白冠世其後逸少子敬又稱

絕妙然飛而不白蕭子雲輕濃得中蟬翼掩素游霧崩  
雲可得而語梁庾元威論書曰所學正書宜以殷鈞

范懷約為主方正循軌修短合度所學草書宜以張融  
王僧虔為則體用得法意氣有餘章表成書於斯足矣

**雲間孤鶴**  
**海上雙鷗**  
法書要錄曰王家令書比雲  
間孤鶴又曰王司空書如



海上雙鶴

# 寫四部書

## 修十郡志

孔帖曰太宗命秘書監魏徵寫四部羣書將藏

內府後徵徙他職又詔虞世南顏師古鍾嶺之拾遺曰隋大業中命虞世基等修十郡志其圖上山水

城邑題書字極細并用歐陽肅書

## 美人插花

## 仙人嘯樹

宣和書譜曰衛恒草

字論者謂如插花美人舞笑鑑臺是便娟有餘而剛健非所長也袁昂書評曰薄紹之書字勢蹉跎如舞女

低腰仙人嘯樹

## 蘭芳玉潔

## 錦質繡章

張懷瓘書斷曰齊獻王攸善尺牘尤能行

草書蘭芳玉潔奇而且古梁虞龢論書表曰數月之間奇迹雲萃詔臣與前將軍巢尚之等科簡二王書評

遂得遊目環翰展好寶法錦質繡章爛然畢覩

## 輕旆翻揚

## 微雲舒卷

唐高平公

蕭齋記曰隴西李君約於江南得蕭子雲壁書飛白蕭字以歸遂建精室陷列於垣靜對虛牖勢若飛驚雖煙

霧交飛龍鸞縈動輕旆翻  
揚微雲舒卷不能狀也

備精諸體

別構一法

書

云唐宋令文官至右衛郎將其姿偉麗身有三絕曰書  
畫力尤於書備兼諸體偏意在草鳥

法書要錄曰使

肩吾云阮文幾居令觀古盡窺衆妙  
之門雖師王祖鍾終成別構一法

侍書博士主

書令史

北史儒林傳曰張景仁以學書為業工草隸後  
主在東宮武成令侍書後主愛之呼為博士

陶隱居論書啟曰昔惠無書可看乃願  
作主書令史晚愛隸法又羨典掌之人

泗州三榜

吳興二牋

天中記曰石曼卿正書入妙品尤善題壁嘗  
載舟於泗州之龜山寺僧請題壁傍殿榜乃

劇醉卷瓊而書一揮而三榜成  
之為吳興故三吳近地偏多遺跡新渝忠侯所蓄多有  
非真然招聚既多時有佳迹  
如獻之吳興二牋足為名法

香草潤珠

孤松危石

法書要錄曰梁庾肩吾論楊經劉穆之等書云雖未窮  
字與書尚文情披其藪薄非無香草視其涯浹皆有潤  
珠又曰索靖善章草書出於韋誕險峻過之有若山  
形中裂水勢懸流雪嶺孤松冰河危石其趾勁則古今  
不逮

落霞浮浦

游霧縈空

宣和書譜曰世謂張伯英  
書如漢武愛道馮虛欲仙

或以似春虹飲潤落霞浮浦其知言哉  
中記曰李約蕭字贊云崩雲委地游霧縈空

錢上寫

經枕中竊秘

錦繡萬花谷曰應用善寫細字微如毛  
髮嘗於一錢上寫心經又於粒麻上寫

國泰民安四字

潛確類書曰羲之十歲善書十二見

前代筆說於其父枕中竊而讀之

父曰爾何來竊吾所

秘不盈期月書便大進衛夫人  
見之流涕曰此子必蔽吾名

隆冬枯樹

百歲枯

藤

潛確類書曰唐太宗云獻之雖有父風殊非心巧觀  
其字勢疎瘦如隆冬之枯樹筆蹤拘束若嚴家之餓

隸其枯樹也雖槎枿而無屈伸其餓隸也則羈羸而不放縱又曰鍾繇弟子宋翼每作一牽如百歲枯藤

宛轉妍媚

沉著痛快

梁虞龢論書表曰獻之始學父書正體乃不相似至於絕

筆章草殊相擬類筆迹流憚宛轉妍媚乃欲過之

龍

跳虎卧

鳳翥鸞翔

宣和書譜曰梁武帝評逸少書謂如龍跳天門虎卧鳳闕

明朱國

禎開國臣傳曰張翼作行草書鳳翥鸞翔人以為不可及

駐馬觀碑

僦屋假素

孔帖曰歐陽詢行見索靖所書碑駐觀良久而去行數百步復還下馬立觀疲倦即坐因宿其傍三日而後啟

行欣然若有所得

宋樗類鈔曰張友正筆跡高簡有晉宋人風味一日去故廬僦屋與染工為鄰或問其故

答曰吾欲假其

筆沐月旦

羅扇風流

明朱國禎開國臣傳曰林

繡素學書耳

弼雅精臨池嘗與王太史禕談書法謂用筆須偏正兼  
備乃臻妙境近世趙孟頫側峯太多恐不能逃筆牀月  
旦耳宋裨類鈔曰江南李後主嘗於黃羅扇上書以  
賜宮人慶奴云風情漸老見春羞到處覓銷感舊遊多  
謝長條似相識強垂煙態拂  
人頭讀之可想見其風流也

### 當世獨步本朝第一

澠水燕談曰近年筆法蔡若謨獨步當世予嘗戲謂若  
謨言學書如汴急流用盡氣力船不離處所若謨以為  
能取譬列朝詩集小傳曰明初宋璉太史公濂之仲  
子召為中書舍人工書法真行草篆俱入能品方希直  
稱為威鳳洲霄祥雲捧日評者謂太  
史公之文舍人之書皆本朝第一

### 片縑尺素大

碣豐碑

列朝詩集本傳曰王穉登字伯穀通明開美妙  
於書兼工篆隸凡遇吳門者必踏門求見乞其

片縑尺素然後去又曰周天球善大小篆  
隸草行從文待詔游豐碑大碣多出其手

### 舞劍得

神聽江得法

又宣和書譜曰張旭常言初見擔夫爭道

劍然後得其神

東坡志林曰古人書法皆有所自張

長史言觀舞劍器

而得神雷大簡言聽江聲而筆法進

文與可亦言見蛇鬬

而草書長殆非誣也

體段適媚

骨氣深穩

孔帖曰虞世南

書體段適媚舉止不凡能中更能妙中更妙

促小

又集事淵海曰永禪師書骨氣深穩體兼衆妙

放大離方適圓

說文云大字促令小小字放使大自

非真離方適圓兼真者謂

家雞野鶩

渴驥怒猊

天

之真行帶草謂之草行

記曰庾征西翼書少時與右軍齊名右軍後進翼大不

平在荊州與都下人書曰小兒輩賤家雞愛野鶩皆學

逸少書須吾下當比之

集事淵海曰徐浩字季海嘗

書四十二幅屏八體皆備草隸尤工世狀其法曰怒猊

扶石渴  
驥奔泉

范篆蕭行 羊真孔草

張懷瓘書斷曰宋蕭思話學於羊欣得其

體法表昂云羊真孔草蕭行范篆各一時之妙也法書要錄曰孔琳之善草行師於小王稍露筋骨飛流懸

勢則呂梁之水焉時稱曰羊真孔草

題會稽紙

印貞觀字

山堂肆考曰庾翼家

有右軍書每紙背後翼題云王會稽六紙合璧事類曰獻之張芝等書以貞觀字為印草迹命褚遂良楷書

小字以影之

變右軍體

究智永法

天中記曰歐陽詢初學王羲之書後更微

變其體筆力險勁為一時之絕合璧事類曰虞世南學書於浮屠智永究其法為世祕愛

筆迹

雄強

字畫峭勁

宣和書譜曰五代楊凝式喜作字尤工顛草筆跡雄強與顏真卿書相上

下金史曰王予可字畫峭勁

得煙霞味

有科舉氣

宣和書譜曰道士杜光庭

自錄所為詩文字皆楷書人爭得之要是得煙霞氣味雖不可擬倫義獻而邁往絕人亦非世俗所能到也

姜夔續書譜曰唐人以書判取士士大夫字畫類有科舉習氣顏魯公作千祿字書是其證也

春蚓

秋蛇 早蛟 曉兔

潛確類書曰楊子雲云行行若紫春蚓字字若縮秋蛇唐李嗣真書品

後曰歐陽草書難與競與如早蛟得水兔兔走穴

前緩後急

左規右矩

山堂

肆考曰凡草書下筆之始須藏鋒轉腕前緩後急形勢體狀如龍如蛇意相鉤連莫令間斷宣和書譜曰唐

衛包公八分小篆作字點畫不妄發落筆必左規右矩以倒薤篆書鵞鵝賦為書品所錄

君謨態

度 曼卿筋骨

山堂肆考曰宋蔡襄字君謨山谷題其書云君謨書如蔡琰胡笳十八拍雖清

壯頓挫時有閨房態度錦繡萬花谷曰范文正公祭石曼卿文云曼卿之筆顏筋柳骨散落人間實為神物



字體新麗

筆意灑落

東坡跋歐陽文忠公書曰筆勢險勁字體新麗自成一家

宋范至能跋司馬溫公帖曰世傳字畫似其為人亦不必皆然杜正獻之嚴整而好作草聖王文正之沉毅而筆意灑落歌側有態豈皆似其人哉

煙霏霧結

風送雲收

潛確類書曰唐

太宗謂逸少書點畫之工裁成之妙煙霏霧結狀若斷而復連鳳翥龍翔勢如斜而反直唐韋續書品優劣曰鄭虔書如風送雲收霞催月上

照耀四裔

震撼一世

列朝詩集本傳曰臨

邑邢侗七歲能作擘窠書後登第殿試策書法擅場晚年名益重購請填咽碑板照耀四裔又曰華亭張弼

少善草書怪偉

龜文龍鱗

釵頭鼎足

雜記云體有六篆巧妙入

跌宕震撼一世

神或象龜文或比龍鱗

錦繡萬花谷曰

寶泉作小篆贊曰

釵頭屈玉鼎足垂金

方圓流峙

勁健端妙

書法苑曰李陽冰與李夫人書云某意在古篆於天地山川得方圓流峙之狀又

曰無惑同安人善小篆為翰林待詔其書勁健端妙士大夫藏以為寶

翰藻沉鬱

逸

氣縱橫

孔帖曰李百藥藻翰沈鬱法書要錄曰晉世以來工書者多而義之獻之并造其極若逸氣

縱橫則義謝於獻若簪裾禮樂則獻不繼義

蚌質珠胎

金沙銀礫

唐李嗣真

書品後曰士衡以下時然合作踳雜不倫或類蚌質珠胎或比金沙銀礫

輕雲蔽月

榮

光屬天

東坡飛白贊曰霏霏乎其若輕雲之蔽月翻翻乎其若長空之卷旆歐陽修仁廟飛白書記

曰今賜書之藏於室也吾知將有望氣者言榮光起而屬天

摹魏帝敕

類高祖

書

北史曰冀偁善隸書特工摹寫周文志平侯莫陳悅乃令偁偽為魏帝敕書與費也頭令將兵助討悅費

也頭見敕不疑遂遣兵受周文節度舊唐書曰高祖竇后善書字類高祖人不能辨

驚鸞舒

翼飛鳥出林

索靖書勢云漂若驚鸞舒翼未發宣和書譜曰張顥自謂吾書不大不小得

其中道若飛鳥出林驚蛇入草

紹宗積習羲之變格

合壁事類曰王紹宗工草

隸嘗與人書曰鄆夫書無工者將由水墨積習耳又

曰李嗣真論右軍書不同以變格難傳書樂毅論太史

箴體皆正直有忠臣烈士之象告誓文曹娥碑其容懽

恠有孝子順孫之象逍遙篇孤雁賦迹遠趣高有拔俗

幽深無

際蘊藉有餘

事見書二宣和書譜曰章孝規不知何許人嘗為路魯瞻書雲南木夾蓋孝

規所長者草字而木夾之書亦蘊藉有餘對之可喜

逼真世南

超踰子敬

確

類書曰唐太宗學虞監隸每難於戈法一日作戩字召世南補寫其戈以示魏鄭公公曰仰觀聖作內戩字戈法逼真帝賞其鑒山堂肆考曰王僧虔雅善隸書宋文帝見所書素扇歎曰非惟字跡追踰子敬而器雅尤

覺過

龍驤豹變

虎踞螭盤

法書要錄曰張伯英尤善章草書出諸杜度故

崔瑗云龍驤豹變青出於藍也宣和書譜曰謝安石初慕羲之作半正字而羲之有解書之目後之評其字者亦謂縱任自在若螭盤

虎踞之勢要當入能品也

屈顧寶先

賜戴至德集

淵海曰吳郡顧寶先卓越多奇自矜技能王僧虔乃作飛白書以示之寶先曰下官今為飛白屈矣山堂肆考曰唐高宗為飛白書出賜戴至德曰汎

洪流俟舟楫賜却處俊曰飛九霄假六翮

小心布置

銳情臨攸

山堂肆考曰字形在紙筆法在手筆意在心小心布置大膽落筆又曰唐貞觀永

徽中虞世南褚遂良以書專門薛稷外祖魏徵家多藏虞褚書故稷銳情臨攷結體適麗遂以書名天下

# 徑丈一字 方寸千言

虞蘇論書表曰子敬出藏見北館新泥堊壁白淨子敬取帚沾

泥汁書方丈二字觀者如市法書要錄曰漢靈帝好書徵天下工書於鴻都門至數百人八分稱師宜官為

最大則一字徑丈

## 張圖瑤林

## 刻石秘閣

上見書二宋稗類

小則方寸千言

鈔曰太宗留意字書淳化中集古帖為十卷刻石於秘閣世傳為閣帖石後於禁中被燬絳人潘師旦取閣本

再摩藏於家為絳本慶歷間僧希白摹刻於潭州為潭本

## 妙參鍾索

## 法得歐虞

天中記曰李充幼孤母衛夫人聰明有訓因善楷書妙參鍾索世咸重之吳越備史曰林鼎能書得歐虞法

## 書葵蒲扇

## 裂紗裱衣

西溪叢語曰李商隱詩云何人書破葵蒲扇記省南塘移

樹時注蒲葵棕櫚也

虞餘論書表曰晉時有一好字

少年故作精白紗襪衣著詣子敬子敬取書之正草諸

體悲備兩袖及襪畧同少年覺王左右有陵奪之色

掣襪而走左右果逐之聞爭分裂少年纔得一袖耳

筆直字圓

勢巧形密

宋何遂春渚紀聞曰古人作字

深意作字之法要筆直而字圓法書要錄曰

端勁

逸少學鍾書勢巧形密及其獨運意疎字緩

深峭 蒼老雄健

伯列朝詩集本傳曰吳郡袁養福字能

深得率更筆法又曰蒲田宋珪善八

分書規撫夏承碑蒼老雄健骨格嶄然

學李衛書

號歐陽體

見李斯等書之許見鍾繇梁鵠書之濟見蔡

邕書又見張岳碑始知學衛夫人書徒費日月合璧

事類曰歐陽通早孤母教以父書數年大進亞於詢父

子齊名號大  
小歐陽體

內擲外拓

右盛左監

上見後袁裒題  
跋下詳後李

白草  
書歌

煥若神明

卓然孤秀

潛確類書庾翼與右軍  
書云吾昔有伯英草草

十紙過江亡失嘗歎妙迹永絕忽見足下答家兄書煥  
若神明頓還舊觀法書要錄曰王洽書無諸法落簡

揮毫有郢匠乘風之勢雖  
卓然孤秀未至運用無方

書稱縈髮

草號遊絲

合壁

事類曰唐呂尚工草隸能一筆環寫百字若縈髮然世  
號連綿書潛確類書曰草書者後漢張芝所造也衛

瓘後采芝法兼乎行書謂之藁草義之獻之書謂之  
今草結構微眇者謂之小草復有所謂游絲之草

元度十體

希聲五字

宣和書譜曰唐元度作九經字  
樣辨証謬誤又為十體曰古文

曰大篆曰小篆曰八分曰飛白曰蕤葉曰垂針曰垂露  
曰鳥書曰連珠網羅古今繩墨蓋亦無遺事詞類奇

曰唐陸希聲得書法凡五字撇押鉤格抵用筆雙鉤則點畫遒勁謂之撥銓法後江南李主亦得此法書絕勁復增二字

### 蟲蝕鳥迹

### 花鬚蝶芒

宣和書譜曰李陽冰篆法妙天下議

者以蟲蝕鳥迹語其形風行雨集語其勢太阿龍泉語其利嵩高華岳語其峻實不為過解縉春雨雜述曰右軍之敘蘭亭字既盡美尤善布置所謂增一分則太長虧一分則太短魚鬚鳥翅花鬚蝶芒油然粲然各止其所毫髮之間直無遺憾

### 不以意參 皆由悟入

山堂肆考曰魏晉書法之高良

由各盡字之真態不以私意參之耳又曰古人書法皆由悟入若長史之觀舞劍韋公之錐畫沙是也

### 神融筆暢

### 手和墨調

孫過庭書譜曰同時而書有合有乖畧言其由各有其五若五

乖同萃思過手蒙五合交臻神融筆暢錦繡萬花谷曰褚遂良嘗問虞世南曰吾書何如智永荅曰吾聞彼



一字直五萬君豈得此孰與歐陽詢曰吾聞詢不擇紙  
筆皆能如志君豈得此遂良曰然則何如世南曰君若  
手和墨調足可  
貴尚遂良大喜  
錯落魚文  
縱橫鳥迹  
聲華四寓

價傾五都  
冥運天機  
神合契匠  
秃筆十八笏

飛白三百點

錦繡萬花谷曰智永居吳興學書積有  
秃筆十八笏又曰仁宗飛白書尤為

神妙至和中有待詔李唐卿撰飛白三百點以進上頗  
嘉之乃特為清淨二字以賜之其六點尤奇絕又出三  
百點  
之外  
湛垂露於毫端  
起懸針於筆杪  
寫八體

之殊蹤  
窮二王之逸勢  
作典墳之韞櫝  
為文字

之濫觴  
經籍於是元興  
著述於焉間作  
勢如

翻濤蕩獄 力則蹴海移山 乍剛柔而合體 忽勞

逸以分驅 長劒耿介而倚天 勁矢超忽而無地

怙澹雍容內涵筋骨 折挫槎枿外耀鋒芒 陣馬風

檣莫喻飛騰之勢 露花淵月難名妍媚之形 灑墨


池之餘波牋麻照灼 窺石室之祕訣碑板崢嶸 激

電飛霆透榮光於紙背 垂金屈玉發鴻寶於毫端

原龍圖始啟則八卦之象可觀 鳥迹初分則六體之

書爰起 增翰藻繽紛有鸞鳳騫翔之態 仙才灑落

極煙雲舒卷之姿 啟玳瑁之裝璜瑜爛而五色披  
珊瑚之軸黼黻摘其七襄



御定淵鑑類函卷三百二十五

# 欽定四庫全書

子部

御定淵鑑類函卷三百二十六

七

詳校官鴻臚寺少卿

臣梁景陽

主事

臣祁韻士覆勘

總校官進士

臣

繆

琪

校對官中書

臣

陳

林

謄錄監生

臣

熊篤

軒

欽定四庫全書

御定淵鑑類函卷三百二十六

巧藝部三

書四

增尺牘十首

東觀漢記曰北海靜王睦善草書臨病明帝驛馬今作草書尺牘十首馬

神

授九勢

羊欣筆法曰伯喈常居一室不寐恍然一客厥狀甚異授以九勢言訖而沒

章草

書斷曰漢黃門令史史游作急就章解散隸體竊書之謂之章草

三估

張懷瓘書估曰大質相公

立其三估篆籀爲上估鍾張爲中估義獻爲下估

凌雲榜

法書要錄曰韋誕善楷書魏明帝起

凌雲臺誤先釘榜而未題以龍威誕轆轤長絙引之使就榜書之去地二十五大誕甚危懼乃擲其筆以下焚之戒子孫絕此

祕法不傳

宣和書譜曰鍾繇初求蔡

輒掇胸唱血幾至於斃魏太祖以五靈丹救之得活

書法十二意

王弼州四部稿曰武帝觀

鍾繇書法十有二意云平直均密鋒力輕快補損巧稱字外之奇大所不書

永字八法

書法

范曰王逸少工書十五年偏工永字以其八法之勢能通一切八法謂側勒弩趯策掠啄磔也

張翼

亂真

梁虞穌論書表曰義之嘗自書表與穆帝帝使張翼寫效一毫不異題後答之義之初不覺詳看乃

歎曰小人

蠶紙尋書

又曰子敬門生以子敬書種蠶後人於蠶紙中尋取大有所得

戲學部

又曰孝武取小王書古詩賦讚論或草或正言無次第者入戲學部

開張隸

體

法書要錄曰衛恒祖述飛白而造散隸之書開張隸體微露其白拘束於飛白瀟灑於隸書處其季孟之

間也

總角刻碑

又曰戴安道隱居不仕總角時以雞子汁投白瓦屑作鄭康成碑文自書刻之

文既奇隸書亦妙絕

竊寫易真

天中記曰王僧虔云子敬上表多在中書雜事中謝靈運竊寫

易其真本相與不疑

一字徑尺

宋書曰高祖書素拙劉穆之曰此雖小事然宣被四遠願公少

復留意但縱筆爲大字一字徑尺既足有所包且其勢亦美高祖從之一紙不過六七字便滿

神筆

三紙

陶隱居與梁武帝論書啟曰前奉神筆三紙并今爲五非但字字注目乃畫畫抽心日覺勁媚轉不

可說

以荻畫灰

宣和書譜曰陶弘景書以鍾王爲法苦心篤志無紙墨至以荻畫灰未嘗懈倦

丁真永草

天中記曰陳僧智永章草及草書八妙丁峴善隸書時人云丁真永草

鐵



門限

尚書故實曰人就智永求書者如市所居戶限爲穿乃用鐵葉裹之號鐵門限

高麗求

書

錦繡萬花谷曰歐陽詢初學羲之書後險勁過之因自名體高麗嘗遣使求之高祖歎曰彼觀其書謂形

貌魁

不擇筆墨

潛確類書曰裴儉工草隸每曰褚遂良非精筆佳墨未嘗輒書不擇筆墨

而妍捷者惟余與世南耳

寶章集

嘉祐錄曰武后嘗御武成殿閱書問宰相王方慶卿家舊法書

存乎方慶遂進自右軍以下至僧虔等二十餘人書帖後命崔融作序賜名寶章集

勅賜真蹟

徐浩古跡記云中宗時勅賜宗楚客二王真蹟十二卷大小各十軸楚客裝作十二扇屏風以諸遂良閒居賦

枯樹賦爲脚大會貴要張以示之

八筆墨三昧

黃山谷集曰張長史郎官廳壁記唐人正

謂書無出其右可謂八筆墨三昧

一代冠冕

天中記曰懷素草工瘦硬易作肥長史草工肥瘦硬易作肥

勁難工此兩人  
一代草書冠冕

太湖精李頎贈張旭詩皓首  
窮草隸時稱太湖精

蠶頭

馬尾

山堂肆考曰顏真卿書如蠶頭馬尾

得書法隱處

廣川書跋曰顏太師嘗學折釵

股謂得古人書法隱處

黃仙鶴

法書苑曰李邕善書仍自刻多假立刻字人名如伏靈芝黃仙

鶴之類是也

碧落碑

天中記曰絳州有篆字與古不同頗為怪異李陽冰見之寢卧其下數日

不能去驗其書是唐初不載書者名姓碑有碧落二字時人謂之碧落碑

柿葉

孔帖曰鄭虔好書苦

無紙慈恩寺貯柿葉數屋日往取葉隸書歲久乃遍

風骨峻極

宣和書譜曰柳公權書出於顏

真卿加以盤結道勁為時所重議者謂如驚鴻避戈饑鷹下鞲蓋言其風骨峻極也

比玉比珠

又曰劉涇作書詰以懷素比玉譬光比珠高間比金貫休比玻璃亞棲比水晶世以為善取況

破產

求書

張懷瓘書估曰近鍾尚書紹京不惜大費破產致求書計用數百萬錢惟市得右軍行書五紙不能致

真書

三家法

東軒筆錄曰五代楊凝式國初李建中

嘗論

三家法以爲楊少師如散僧入聖李西臺如法師叅禪王著如小禪縛律

書體一變

苑談

曰蜀人王著善草隸獨步一時太宗召爲侍書初以紙一番令書八字又令書六字至一字皆極道勁自是書

體一變然可觀

體外八體

宣和書譜曰皇叔益端獻王留

多宗之又嘗畫六幅絹作一字筆力神俊

分隸石經

宋史列傳曰宗室克繼善楷書尤工隸篆仁宗親臨試

字比周越

東軒筆錄曰本朝尚書郎周越以書名天

詩閒淡無味蘇舜欽喜爲健句而草書尤工嘗曰吾不幸寫字爲人比周越作詩爲人比梅堯臣良可歎也

### 鸚哥嬌

宋稗類鈔曰東坡云劉十五孟父論李十八公擇草書謂之鸚哥嬌謂鸚鵡能言不過數

句大率雜以鳥語十八其後稍進以書問僕近日書如何僕荅云可作秦吉了矣

### 行酒作字

又曰元祐末米元章知雍丘縣蘇子瞻自揚州召還乃具飯邀之既至則對設長案各以精筆佳墨紙三百列其上而置餽其旁子瞻見之大笑就坐每酒一行即伸紙共作字以二小吏磨墨幾不能供酒行既終紙亦盡乃更相易攜去俱自

### 醉墨瀾翻

宋何遜春渚紀聞曰東坡每有勝集酒後

戲書以娛坐客多見傳錄獨畢少董所藏一帖醉墨瀾翻而語特有味云

### 出遊戲書

宋趙

侯鯖錄曰東坡題魯直草書兩雅後云魯直以真實心出遊戲書以平等觀作欵側字以磊落人錄碎細書亦

三反

摺紙書

米元章海嶽名言曰吾夢古衣冠人都授以摺紙書書法自此差進寫與他都

不曉蔡元長見而驚曰法何遽異耶此公亦具眼人

唾越竹

米元章書史曰余嘗唾越竹光滑如

金版在油拳上短截作軸入笈番覆一日數十張學書

獨有四

面宣和書譜曰米元章自謂

善書者只得一筆我獨有四面識者然之

香餅來遲

集事淵海曰蔡君謨爲歐公書集古目錄

序刻石其字尤精勁爲世所珍歐公以鼠鬚栗尾筆銅錄筆格大小龍茶惠山泉等物爲潤筆君謨大笑以爲

太清而不俗後月餘有人遺歐公清泉香餅一篋者君謨聞之歎曰香餅來遲使我潤筆猶無一種物又可笑

也

百衲本

廣川書跋曰蔡君謨書畫錦堂記每字作一紙擇其不失法度者裁截布列連成碑

形當時謂百衲本

雕戈蟲鳥法

詞林海錯曰李伯時得雕戈蟲鳥書黃金文銘六字曰王

用父作雕戈鉤  
金法今亦不傳

端勁無誤

聞見後錄曰康節手寫易書詩春秋字端勁無一誤

失

購遺墨

中州集曰宋兵部侍郎司馬朴使金見留工書翰有晉人筆意興陵萬機之暇嘗購

其遺墨

禿筆作隸

宋陸游老學庵筆記曰漢隸歲久風雨剝蝕故其字無復鋒鋷近者

杜仲微乃故用禿筆作隸自謂得漢刻遺法豈其然乎

木中四字

夢溪筆談曰杭州南新縣

民家折柿木中有上天大國四字書法類頗真卿極有筆力

書洗人心

宣和書譜曰釋大楚

所書千文落筆輕清無一點俗氣飄飄若飛雲之映素月一見使人冷然有物外興豈其書足以洗人之心如

是耶 草聖不工

天中記曰張天覺好草聖而不工一日得詩索筆疾書滿紙使其姪錄之當奇

險處姪罔然而止執所書問曰此何字丞相熟視詒云胡不早來問致吾忘之

党趙

金史曰党懷英

小篆李陽冰以來鮮有及者  
時人以趙風配之號曰党趙

榜署有法

又曰左淵子  
光慶好古讀

書善隸篆尤工大字世宗行郊禮受尊號及受命寶  
皆光慶篆凡宮廟榜署經光慶書者人稱其有法

髣髴擇木

元文類曰胡祇適題党懷英八分書在金朝  
為第一流方之梁鵠蔡邕鍾繇一何遼哉僅

能得韓擇木

緡錄遺書

明朱國禎遜國臣傳曰陳侍  
郎性善以工書命入便殿緡

錄劉誠意遺書天威嚴重進見者無不惴  
恐性善獨動止安雅書法妍正上嘉悅

範金爲章

又朱國禎開國臣傳曰泰和曹鼎工詩  
擅八分書範金爲小印章渾然古意

晉人風格又

吳勤永新人字有晉人風  
格不擇紙筆俱得其妙

爲詞林冠

列朝詩集本傳  
曰陸深工書倣

李北海趙承旨品臨古今  
賞鑑書畫爲詞林之冠

師法秦漢

又曰郭布衣天  
中畜古法書名

畫專精篆隸之學窮崖斷碑搜訪櫺榻  
晚年隸書益進師法秦漢最爲逼古

詞翰清麗

又曰

莫是龍妙於書法嘗作送  
春賦手自繕寫詞翰清麗

疎秀出塵

又曰王寵行書  
疎秀出塵妙得

晉法

## 書五

增詩唐岑文本奉述飛白書勢詩曰六文開玉篆八體  
曜銀書飛毫列錦繡拂素起龍魚鳳舉崩雲絕鸞驚遊  
霧疎別有臨池草恩霑垂露餘 杜甫殿中楊監見示  
張旭草書圖詩曰斯人已云亡草聖祕難得及茲煩見



示滿目增悽惻悲風生微綃萬里有古色鏘鏘鳴玉動  
落落羣松直連山蟠其間溟漲與筆力有練實先書臨  
池真盡墨俊拔爲之主暮年思轉極未知張王後誰並  
百代則嗚呼東吳精逸氣感通識楊公拂篋筭舒卷忘  
寢食念昔揮毫端不得觀酒德 韓愈岫嶠山碑詩曰  
岫嶠山尖神禹碑字青石赤形模竒科斗拳身薤倒披  
鸞飄鳳泊拏虎螭事嚴跡祕鬼莫窺道人獨上偶見之  
我來咨嗟涕漣漣千搜萬索何處有森森綠樹猿猱悲

柳宗元詩曰日日臨池弄小雛還思寫論付官奴柳  
家新樣元和脚且盡薑芽斂手徒 陸希聲寄誓光詩

曰筆下龍蛇似有神天池雷雨變逡巡寄言昔日不龜  
手應念江頭泝人 孟郊送草書獻上人歸廬山詩

曰狂僧不爲酒狂筆自通天將書雲霞片直至清明巔  
手中飛黑電象外瀉玄泉萬物隨指顧三光爲廻旋驟  
書雲霧灑洗硯山晴鮮忽怒畫虵虺噴然生風煙江人  
願停筆驚浪恐傾船 宋蘇舜欽陽冰石篆詩曰一氣

破散萬事起獨有篆籀含其真周鼓秦山壞已久下至  
唐室始有人宗臣轉注得天法質雖渾厚氣乃振人間  
所存十數處豐疎異體世共珍其中琅玕石泉記比之  
他法殊不倫鐵鎖關連玉鉤壯曲處力可掛萬鈞復疑  
蛟虬植爪角隱入翠壁蟠未伸近來俗眼苦不賞唯有  
風月時相親紫微仙人謫此守此地勝絕舊喜聞公餘  
往觀領賓從獵獵畫隼搖青春遠休車騎步泉側酌泉  
愛篆移朝昏揮弄潺湲翫點畫情通恍忽疑前身作詩

絨本遠相寄邀我共賦意甚勤昨承見教久閣筆壓以  
大句尤難文高風勝事日傾倒安得身寄西飛雲 歐  
陽修石篆詩曰寒晶飛流落青苔旁斲石篆何奇哉其  
人已死骨已朽此字不滅留山隈山中老僧憂石泐印  
之以紙磨松煤欲令流傳在人世持以贈客比瓊瑰我  
疑此字非筆畫又疑人力非能爲始從天地胚渾判元  
氣結此高崔巍當時野鳥踏山石萬古遺跡於蒼崖山  
祇不欲人屢見每吐雲霧深藏埋羣仙飛空欲下讀常

借海月清光來嗟我豈能識字法見之但覺心眼開辭  
慳語鄙不足記封題遠寄蘇與梅 蘇軾和人求筆跡  
詩曰麥光鋪几淨無瑕入夜青燈照眼花從此刺藤真  
可弔半紆春蚓縮秋蛇 又柳氏二外甥求筆迹詩曰  
退筆成山未足珍讀書萬卷始通神君家自有元和脚  
莫厭家雞更問人 又曰一紙行書兩絕詩遂良鬚鬚  
已如絲何當火急傳家法欲見誠懸筆諫時 又次韻  
米黻二王書跋尾詩曰三館曝書防蠹毀得見來禽與

青李秋虵春蚓久相雜野鶩家雞定誰美玉函金籀天  
上來紫衣勅使親臨啟紛綸過眼未易識磊落挂壁空  
雲委歸來妙意獨追求坐想蓬山二十秋怪君何處得  
此本上有桓玄寒具油巧偷豪奪古來有一笑誰似癡  
虎頭君不見長安永寧里王家破垣誰復修 又詩曰  
元章作書日千紙半生自苦誰與美畫地爲餅未必似  
要令癡兒出饒水錦囊玉軸來無趾粲然奪真疑聖智  
忍饑看書淚如洗至今魯公餘乞米 黃庭堅以右軍

書贈丘十四詩曰丘郎氣如春景晴風暄百果草木生  
眼如霜鶻齒玉冰擁書環坐愛窗明松花泛硯摹真行  
字身藏穎秀勁清問誰學之果蘭亭我昔頗復戲墨卿  
銀鈎蠅尾爛箱篋贈君鋪案黏曲屏小字莫作癡凍蠅  
樂毅論勝遺教經大字無過瘞鶴銘官奴作草欺伯英  
隨人作計終後人自成一家始逼真卿家小女名阿潛  
眉目似翁有精神試留此書他日學往往不減衛夫人  
沈遼酌德相論書詩曰野舍老餘生雅尚今已愜不

逃世憂患餘事寄巾蹠行尋青山轉坐對青山疊欲隨  
白雲去儻與幽人接德相屢相過老夫寧足躡由來廢  
井水不如長劒缺往往論書法軒軒兩目睫中郎石經  
在元常表軍捷漢魏多傳人至宋有遺帖唐室初最盛  
漸衰自中葉歐虞緬誰嗣顏柳何足躡篆籀昔難工草  
聖誰敢輒巨山作散隸雄古掀龍鬚貞觀喜飛白凌厲  
騰春蝶豈特豁神觀真可祛鬼魘古人有所寓天性難  
必協所志有小大其材有勇怯或憚懦文雅或軒昂豪



俠或轉戰鞍馬或驅馳弋獵或發於止諫或得於訟牒  
或奮奪牀陛或造成械褶或爲神所追或自勢所劫或  
醉以賈禍或詐以行謀或習於娛樂或勞於吐噤有燦  
如文錦有勁如金挾有倚如戈鋒有點如山業有駛或  
如波有媚或如靨或騰如煙霏或落如鳥跼淵妙欲飛  
動拙惡愧偏摩當寢或不寐當晝亦忘飮有譽終甚微  
或毀則羣囁爲功有不至考古安能厭十年幸能就萬  
金毫豈浥金玉敷卷軸龍蛇閱箱笈是惟小夫技寧當

丈夫業 陸游暇日弄筆戲書詩曰草書學張顛行書

學楊風平生江湖心聊寄筆硯中龍蛇入我腕匹素忽  
已窮餘勢尚隱鱗此興嗟誰同 楊萬里跋歐公真蹟

詩曰遂初欣遇兩詩伯臨川先生一禪客三人情好元  
不疎祇是相逢逢不得渠有正觀碑儂有永和詞真贋  
爭到底未說妍與媿珊瑚擊得如粉碎趙壁博城翻手  
悔不似三家鬪斷碑夜戰半酣莫先退皇朝愛碑首歐  
陽集古萬卷六一堂玄圭漆玉堆墨寶黟霜黑水塗緇

裳臨川無端汲古手席卷歐家都奄有岫山科斗不要  
論嶧山野火不經焚尤家沈家喙如鐵未放臨川第一  
勲不知臨川何許得尤物集古序篇出真筆遂初心如  
口不言君看跋尾猶悵然 金劉迎蔡有鄰碑詩曰我  
爲山西行叱馭過近縣傳聞蔡有鄰石刻古今冠風流  
書以來妙絕隸之變銀鈎鸞鳳舞鐵畫蛟龍纏憑誰致  
墨水故舊詫珍獻正恐賦分薄一夕碎雷電 元郝經  
跋魯公帖詩曰魯公筆法皆正筆出奇獨有劉太沖初

從真草入行草削去畦町尤清雄懸針數筆皆側鋒往  
往矯矯如飛龍輪囷權奇恣揮灑瑰偉乃見烈士風觀  
此好向書家道未有能真不能草 朱德潤題張樗寮

楷書詩曰飛仙墮翮堆成山堂堂楷法留人間宜官無  
徒梁鵠往隱鋒藏角尤爲難大書五寸徑方丈字貴緊  
健力出擘八訣俱全真足高不學謾草鸚哥嬌黃華老  
人在金國宋季獨數張樗寮似聞高藝兩不下各抱地  
勢夸雄豪今觀張書勁且奇筆力欲抵三軍師吳鉤斫

斷怒蛟尾瘦竹折石迴風枝君不見庾征西何須野鶩  
論家雞 黃鎮成題定武蘭亭詩曰繭紙香隨玉匣遺  
寶書天上世難知狼烽幾墮昆明劫蟬翼猶傳定武碑  
曉雨苔花侵擣石秋山柿葉費臨池東都已往誰能繼  
神物終煩謹護持 楊維禎學書詩曰歌徹陽春酒半  
醺玉尖搦管蘸香雲新詞未上鴛鴦扇醉墨先汚蛺蝶  
裙 明董佐才篆冢詩曰古初無毫楮義畫何由傳孰  
知文字理已具河圖前神農洎蒼頡俯仰極人天穗書

與鳥書創制分後先龜麟錫禹時盤銘著湯年岐陽紀  
石鼓史籀稱獨賢矯若蛟龍蟠鬱若鎖鈕聯科斗聿行  
漆形體因自然一從孔壁廢重爲經籍憐秦相約籀古  
撰次蒼頡篇小篆遂名家勁健含姿妍登封及詛神金  
石紛雕鐫下逮隸八分變化如雲煙漢經煨燼餘文教  
仍敷宣保氏存六書學僮纔九千揚雄纂奇字杜林解  
探研繼蹟非無人意象莫不全偉哉許祭酒蒐羅歸簡  
編墜緒賴復舉後學知相沿陽冰克遠紹鉉錯造其玄

近代邵與周筆勢回奔川華亭朱茂才好古喜欲顛一  
埽世俗書習篆忘食眠秦望并之果碧落兼新泉小者  
案間列大者屋壁懸平生囊橐貲多充買碑錢功深學  
既精齒壯志亦堅池魚染皆黑鐵硯磨將穿摹搨累萬  
番期差古人肩師法正在茲什襲比蹄筌孫樵文自祭  
智永筆忍捐前修不我欺我癖尤難痊嵯峨細林山上  
與浮雲連譬彼汲冢書函之瘞其巔聚土封若堂劓石  
表爲阡其陽碧樹交其陰書帶緣山靈謹訶護有名如

有仙揮灑人間者顯晦名非偏寶劒賈胡發玉柳蔓草  
纏何如篆冢光夜夜映星躔 吳寬篆書詩曰篆法久

欲絕李公得真傳近時鄉先輩彷彿如滕權昔爲我題  
扁握筆指腕懸顧盼張翬鬚起立竦背肩俯仰爲陳蹟  
屈指十五年破屋垂雨溜庀牆上蝸涎三字被侵蝕黑  
黥猶高縣海月夜照之墨光却新鮮正如公性氣精悍  
老猶然見物不見人吳山隔重泉惜哉不可作手蹟忍  
棄捐壽以西川木良工善雕鐫庶幾如坐對仰面在屋



椽

增歌唐賈耽賦虞書歌曰孤青似竹更颼颼閣白如波  
長浩渺 杜甫李潮八分小篆歌曰尚書韓擇木騎曹  
蔡有鄰開元已來數八分潮也奄有二子成三人況潮  
小篆逼秦相快劍長戟森相向八分一字直百金蛟龍  
盤拏肉屈強 韓愈石鼓歌曰張生手持石鼓文勸我  
試作石鼓歌少陵無人謫仙死才薄將奈石鼓何周綱  
陵遲四海沸宣王憤起揮天戈大開明堂受朝賀諸侯

劍珮鳴相磨，兔於岐陽騁雄俊。萬里禽獸皆遮羅，鐫功  
勒成告萬世。鑿石作鼓隳嵯峨，從臣才藝咸第一。揀選  
撰刻留山阿，雨淋日炙野火燎。鬼物守護煩，搗呵公從  
何處得紙本。毫髮盡備無差訛，辭嚴義密讀難曉。字體  
不類隸，與科年深豈免有缺畫。快劍斫斷生蛟鼉，鸞翔  
鳳翥衆仙下。珊瑚碧樹交枝柯，金繩鐵索鎖鈕壯。古鼎  
躍水龍，騰梭陋儒編。詩不收入二雅，褊迫無委蛇。孔子  
西行不到秦，掇星宿遺羲娥。嗟予好古生苦晚，對此

涕淚雙滂沱憶昔初蒙博士徵其年始改稱元和故人  
從軍在右輔爲我量度掘臼科濯冠沐浴告祭酒如此  
至寶存豈多羶包席裏可立致十鼓祇載數駱駝薦諸  
太廟比部鼎光價豈止百倍過聖恩若許留太學諸生  
講解得切磋觀經鴻都尚填咽坐見舉國來奔波剗苔  
剔蘚露節角安置妥帖平不頗大厦深簷與蓋覆經歷  
久遠期無他中朝大官老於事詎肯感激徒媿嬰牧童  
敲火牛礪角誰復著手爲摩挲日銷月鑠就埋沒六年

西顧空吟哦義之俗書赴姿媚數紙尚可博白鷺繼周

八代爭戰罷無人收拾理則那方今太平日無事柄任  
儒術崇丘軻安能以此上論列願借辨口如懸河石鼓  
之歌止於此嗚呼吾意其蹉跎 李白草書歌行曰少

年上人號懷素草書天下稱獨步墨池飛出北溟魚筆  
鋒殺盡中山兔八月九月天氣涼酒徒詞客滿高堂牋  
麻素絹排數箱宣州石硯墨色光吾師醉後倚繩牀須  
臾埽盡數千張飄風驟雨驚颯颯落花飛雪何茫茫起

來向壁不停手一行數字大如斗恍恍如聞鬼神驚時  
時只見龍蛇走左盤右蹙如驚電狀同楚漢相攻戰湖  
南七郡凡幾家家屏障書題徧王逸少張伯英古來  
幾許浪得名張顛老死不足數我師此義不師古古來  
萬事貴天生何必要公孫大娘渾脫舞 王邕懷素上  
人草書歌曰忽作風馳及電掣更點飛花兼散雪寒猿  
飲水撼枯藤壯士伸眉按勁鐵 又曰崢嶸蹙出海上  
山突兀狀成湖畔石一縱又一橫一敬又一傾臨江不

羨飛帆勢下筆長爲驟雨聲  
戴叔倫懷素上人草書

歌曰楚僧懷素工草書古法盡能新有餘  
神清骨竦意真率時來爲我揮健筆始從破體變風姿  
一一花開春景遲忽爲壯麗就枯澀龍蛇騰盤獸屹立馳毫驟墨劇奔駟滿坐失聲看不及心手相師勢轉奇  
詭形怪狀翻合宜有人若問此中妙懷素自言初不知  
朱逵懷素

上人草書歌曰幾年出家通宿命一朝却憶臨池聖  
轉腕摧鋒增崛崎秋毫繭紙常相隨  
衡陽客舍來相訪連

飲百杯神轉王忽聞風裏度飛泉紙落紛紛如跼鵲形  
容脫畧真如助心思周遊在何處筆下惟看激電流字  
成只畏盤龍去怪狀崩騰若轉蓬飛絲歷亂如迴風長  
松老死倚雲壁感浪相翻驚海鴻於今年少尚如此歷  
覩遠代無倫比妙絕當時動鬼神崔蔡幽魂更心死  
魯收懷素上人草書歌曰有時興發逞神機抽毫點墨  
縱橫揮風聲吼烈隨手起龍蛇迸落空壁飛連拂數行  
勢不絕藤懸查蹙生奇節劃然放縱驚雲濤或時頓挫

縈毫髮自言轉腕無所拘大笑義之用陣圖狂來紙盡  
勢不盡投筆抗聲連叫呼 竇冀懷素上人草書歌曰  
狂僧揮翰狂且逸獨任天機摧格律龍虎慙因點畫生  
雷霆却避鋒鋦疾魚牋絹素且不貴只嫌局促兒童戲  
粉壁長廊數十間興來小豁胸襟氣長幼畢集賢豪至  
枕糟藉麴酒半醉忽然絕叫三五聲滿壁縱橫千萬字  
蘇渙懷素上人草書歌曰張顛沒來二十年謂言草  
聖無人傳零陵沙門繼其後新書大字大如斗興來走



筆如旋風醉後耳熱心更亢忽如裴旻舞雙劍七星錯  
落纏蛟龍又如吳生畫鬼神魑魅魍魎驚本身鉤鎖相  
連勢不絕倔强毒蛇爭屈鐵西河劍舞氣凌雲孤根自  
振唯有君今日華堂看灑落四坐喧呼歎佳作回首邀  
余賦一章欲令美價齊鍾張琅琅誦句三百字何似醉  
僧顛復狂忽然告我避南溟言祈亞相求大名亞相書  
翰凌獻之見君絕藝必深知南中紙價當日貴只恐貪  
泉成墨池 任華懷素上人草書歌曰揮毫倏忽千萬

字有時一字兩字長丈二翕若長鯨潑刺動海島歛若  
長蛇成陣透深草回環繚繞相拘連千變萬化在眼前  
下疑飄風驟雨相擊射速綠蜃拉動簷隙擲華山巨石  
以爲點掣衡山陣雲以爲畫興不盡勢轉雄恐天低而  
地窄更有何處最可憐裊裊枯藤萬丈懸萬丈懸拂秋  
水映秋天或如絲或如髮風吹欲絕又不絕鋒鋟利如  
歐冶劒勁直渾是并州鐵時復枯燥何襍褻忽覺陰山  
突兀橫翠微中有枯松錯落一萬丈倒掛絕壁感枯枝

千魑魅兮萬魑魅欲出不可何閃閃又如浩海日暮愁  
陰濃忽然躍出千里龍天矯偃蹇亂入乎蒼穹飛砂走  
石滿空塞萬里颼颼西北風 釋皎然張伯高草書歌  
曰閨風遊雲千萬朵驚龍蹙踏飛欲墮更覩鄧林落葉  
朝狂風亂擾何飄飄有時凝然筆空握情在寥天獨飛  
鶴有時取勢氣更高憶得春江千里濤 又陳氏童子  
草書歌曰有時作點險且能太行片石看欲崩偶然長  
掣濃又燥少室孤松欹不倒 宋劉子翬游絲帖歌曰

園清無瑕二三月時見游絲轉空闊誰人寫此一段奇  
著紙春風吹不脫紛紛糾結疑非書安得龍蛇如許癯  
神蹤政喜縈不斷老眼只愁看若無定知苗裔出飛白  
古人妙處君潛得勿輕漠漠一縷浮力適可罍千鈞石  
陸游草書歌曰傾家釀酒三千石閒愁萬斛酒不敵  
今朝醉眼爛巖電提筆四顧天地窄忽然揮掃不自知  
風雲入懷天借力神龍戰野昏霧腥奇鬼摧山太陰黑  
此時驅盡胸中愁槌牀大叫狂墮幘吳牋蜀素不快人

付與高堂三大辟 明王行篆體歌曰李斯小篆類玉  
筋鐘鼎魚蟲分衆手碧霄鸞鳳漫迴翔蒼海蛟螭互蟠  
紐有如垂露楊柳葉或似委薤劒環首

原賦晉楊泉草書賦曰惟六書之爲體美草法之最奇  
杜垂名於古昔皇著法乎今斯字要妙而有好勢奇綺  
而紛馳解隸體之細微散委曲而得宜乍楊柳而奮發  
似龍鳳之騰儀應神靈之變化象日月之盈虧書縱疎  
而直立衡平體而均施或斂束而相抱或婆娑而四垂

或攢翦而齊整或上下而參差或陰岑而高舉或落籜  
而自披其布好施媚如明珠之陸離其發翰舒藻如春  
華之楊枝其提墨縱體如美女之長眉其滑澤者易如  
長溜之分岐其骨梗彊壯如柱礎之不移其斷除弓盡  
如工匠之盡規其芒角嶮岈如嚴霜之傳枝衆巧百態  
無畫不奇宛轉翻覆如絲相持 齊王僧虔書賦曰情  
憑虛而測有思沿想而圖空心經於則目像其容手以  
心麾毫以手從風搖挺氣妍嬋深功爾其隸明敏婉嬈

絢倩趨將摛文斐縟託韻笙簧儀春等曖麗景依光沈  
若雲鬱輕若蟬揚稠必昂萃約實箕張垂端整曲裁邪  
製方或具美於片巧或雙競於兩傷形綿靡而多態氣  
凌厲其如芒故其委貌也必妍獻體也貴壯跡乘規而  
騁勢志循檢而懷放

增文漢蔡邕隸勢曰鳥跡之變乃惟佐隸蠲彼繁文崇  
此簡易厥用既行體象有度矣若星陣鬱若雲布其大  
徑尋細不容髮隨事從宜靡有常制或穹窿恢廓或櫛

比鍼列或砥繩平直或蜿蜒繆戾或長邪角趣或規旋  
矩折修短相副異體同勢奮華輕舉離而不絕纖波濃  
點錯落其間若鍾簏設張庭燎飛煙嶄嵒崔差高下屬  
連似崇臺重宇層雲冠山遠而望之若飛龍在天近而  
察之心亂目眩竒姿譎誕不可勝原研桑所不能計宰  
賜所不能言何草篆之足算而斯文之未宣豈體大之  
難觀將祕與之不傳聊佇思而詳觀舉大畧而論旃  
崔瑗草書勢曰書契之興始自頡皇寫彼鳥跡以定文



章章草之法蓋又簡畧應時諭指周旋卒迫兼功并用  
愛日省力絕險之變豈必古式觀其法象俯仰有儀方  
不中矩圓不副規抑左揚右望之若崎嶇企鳥峙志意  
飛移狡獸暴駭將奔未馳狀似連珠絕而不離奮怒拂  
鬱放逸生竒騰蛇赴穴頭沒尾垂機要微妙臨時從宜  
原晉索靖書勢曰蓋草書之爲狀也婉若銀鉤漂若  
驚鸞舒翼未發若舉復安蟲蛇虬蟠力幽反或往或還顏  
阿那以羸羸欬奮疊而桓桓若其逸游眴嚮乍正乍邪

騏驥暴怒逼其轡海水穴隆揚其波元熊對踞於山岳

飛燕相追而差池舉而察之又似和風吹林偃草扇樹

枝條從風轉相比附窈窕廉苦隨體散布紛擾擾以綺

靡中持疑而猶豫元螭狡獸嬉其間騰猿飛鼪相奔趣

陵魚奮尾駭龍反據投空自竄張設牙距 劉劭飛白

書勢曰烏魚龍蛇龜獸仙人蛟脚偃波楷隸八分世施

常鈔索草鍾真爰有飛白之麗貌豔勢珍若乃數析毫

芒纖手和會素幹冰解蘭墨電掣直準箭馳屈擬蠅勢

繁節參譚綺靡循殺有若煙雲拂蔚交紛刻繼韓盧接  
飛宋鵲遊逝

增狀晉王珣行書狀曰邈乎嵩岱之峻極爛若列宿之  
麗天緯字挺特奇書秀出揚波騁藝餘好宏逸虎踞鳳  
跼龍伸蠖屈資胡氏之壯傑兼鍾公之精密總二妙之  
所長盡要蔑乎文質詳覽字體究尋筆跡粲乎偉乎如  
圭如璧宛若盤螭之仰勢翼若翔鸞之舒翮或乃放手  
飛筆雨下風馳綺靡婉婉縱橫流離

增贊漢蔡邕大篆贊曰體有大篆巧妙入神或象龜文  
或比龍鱗舒體放尾長翅短身延頸負翼狀似凌雲

晉衛恒古文贊曰黃帝之史沮誦蒼頡眺彼鳥跡始作  
書契紀綱萬事垂法立制觀其措筆綴墨用心精專中  
正循檢矩折規旋其曲如弓其直如弦矯然特出若龍  
騰於川淼爾下隕若雨墜於天信黃唐之遺跡爲六藝  
之範先篆籀蓋其子孫隸草乃其曾元 唐張懷瓘大  
篆贊曰古文元肩太史神書千類萬象或龍或魚何詞

不錄何物不儲懌思通理從心所如如彼江海大波洪  
濤如彼音樂干戚羽旄 又籀文贊曰體象卓然殊今  
異古落落珠玉飄飄纓組蒼頡之嗣小篆之祖以名稱  
書遺跡石鼓 又小篆贊曰龜文斜列櫛比龍鱗隤若  
黍稷之垂穎蘊若蟲蛇之棼縕若絕若連似露緣絲垂  
下端遠而望之象鴻鵠羣遊絡繹遷延研桑不能數其  
詰曲離婁不能覩其隙閒般垂揖讓而辭巧籀誦拱手  
而韜翰摘華豔於紈素爲六藝之範先也 又小篆贊

曰李君創法神慮精微鐵爲肢體虬作驂駢江海淼漫  
山岳巍巍長風萬里鸞鳳於飛 又八分贊曰仙客遺  
範靈姿秀出奮研揚波金相玉質龍騰虎踞分勢非一  
交戟橫戈分氣雄逸楷之爲妙方備華實 又隸書贊  
曰隸合文質程君是先乃備風雅如聆管絃長毫秋勁  
素體霜妍摧鋒劒折落點星懸乍發紅焰旋凝紫煙金  
芝瓊草萬世方傳 又章草贊曰史游製草始務急就  
婉若迴鸞櫻如舞袖遲迴縑簡勢欲飛透敷華垂實尺

牘尤奇并功惜日學者爲宜 又行書贊曰非草非真

發揮柔翰星劍光芒雲虹照爛鸞鶴嬋娟風行雨散劉

子濫觴鍾胡彌漫 又飛白贊曰妙哉飛白祖自八分

有美君子潤色斯文絲繁箭激電繞雪霧淺如流霧濃

若屯雲舉衆仙之奕奕舞羣鶴之紛紛誰其覃思於戲

蔡君 又草書贊曰草法簡畧省繁錄微譯言宣事如

矢應機霆不暇發電不及飛徵士已沒道愈光輝明神

在享其靈有歇斯藝漫流終古無絕 李約飛白蕭字

贊曰昔創飛白蔡氏所得起於聖帚播於翰墨張王繼  
作子雲精極壁昏蜃素墨古池色翻飛露白乍輕乍濃  
翠箔映雪羅衣從風崩雲委地游霧縈空撥刺勢動蟠  
蟠氣雄昆池駭鯨時門關龍攢毫疊孔或橫或縱層層  
陣雲森森古松君子況德高人比蹤抱素自潔含章內  
融逸疑方外縱在矩中密而不離疎而有容藝通造化  
比象無窮子雲臣梁蕭字逾貴點畫均豐姿形端異迹  
絕璽素名空傳記明徵褒貶惟此一字 李嗣真書品



後贊曰倉頡造書鬼哭天廩史籀湮滅陳倉藉甚秦相  
刻銘爛若舒錦鍾張義獻超然逸品 又曰程邈隸體  
崔公篆勢梁李蔡索都皇韋衛羊習獻規褚傳義制邈  
乎天壤光厥來裔 又曰西岳張景江東阮研銀鴈貞  
白鐵馬桓元衛杜花散安康綺鮮元昌陸東名後身先  
又曰蚌質懷珠銀鋼蘊礫陸謝參蹤蕭王繼迹思話  
仙才張融賞擊如彼枯秀衆多羣石

增銘宋鮑照飛白書勢銘曰秋毫精勁霜素凝鮮露此

瑤波染彼松煙超出八法盡奇六文鳥企龍躍珠解泉  
分輕如游霧重似崩雲絕鋒劒推驚勢箭飛差池燕起  
振迅鴻歸臨危制節中險騰機圭角星芒明麗爛逸絲  
紫髮垂平理端密盈尺錦兩片字金溢故仙芝煩弱既  
匪足雙蟲虎瑣碎又安能匹君子品之是最神筆唐  
陸龜蒙書銘曰太古之世何嘗有欺逮乎結繩民始相  
疑畫卦造字聖人之爲圖載文字厥功弗知惟簡惟牘  
斷竹析木累必充庭負必折軸韋編一絕錯亂名目寢

務輕省搗臬剥穀膠綴番番恣其所便蟲篆更隸形模  
易宣上下今古卷舒蟬聯薰暴蠹鬱疵乎不堅又取珉  
石篆琢雕鐫由簡牘下其存四邊璽印章號殷勤識焉  
其巧益甚其說益繁盟契質要朝成夕反誥誓制令尾  
違首言牋檄奏報離方就圓傳錄注記醜仇美憐銘誄  
碑表虛功妄賢歌詩賦頌多思諂權在簡牘者埋沒爛  
壞無遺一編副以臬穀其留最延繆戾顛倒尤蒙弗刪  
在珉石者固寵納賂惟辭是妍饒鑿既畢名聲泯然堯

舜之道以人爲傳有死必繼流乎億年宜斥詐僞焚燒  
棄捐復以太古結繩之前 宋劉子翬溫公隸書銘曰  
公硯已瘞姦魂夜悸公墨霑池潛來湘纍假其餘聲所  
感如此矧公真筆劒戟交倚挂之高堂浮慮盡死我觀  
公書識公胸次天地輸誠風霜薦厲吐而發之茲其餘  
事公之立朝營營仇敵不勦其剛不披其殖障海一簣  
排風孤翮始訾繼斥卒伸其直世衰道圯諾諾唯唯有  
筆如椽微公莫使我銘其尾吁嗟已矣 朱元晦書字

銘曰握管濡毫伸紙行墨一在其中點點畫畫放意則  
荒取妍則惑必有事焉神明厥德

增序唐張懷瓘書斷序曰昔庖犧氏畫卦以立象軒轅  
氏造字以設教至於堯舜之世則煥乎有文章其後盛  
於商周備夫秦漢固夫所由遠矣文章之爲用必假乎  
書書之爲徵期合乎道故能發揮文者莫近乎書爾其  
初之微也蓋因象以矐矐眇不知其變化範圍無體應  
會無方考沖漠以立形齊萬殊而一貫合冥契吸至精

資運動於風神頤浩然於潤色爾其終之彰也流芳液  
於筆端忽飛騰而光赫或體殊而勢接若雙樹之交葉  
或區分而氣運似兩井之通泉庥蔭相扶津澤潛應離  
而不絕曳獨繭之絲卓爾孤標竦危峰之石龍騰鳳翥  
若飛若驚電燄燿燿離披爛熳翕如雲布曳若星流朱  
焰綠煙乍合乍散飄風驟雨雷怒霆激呼吁可駭也信  
足以張皇當世軌範後人矣至若磔髻竦骨裨短截長  
有似夫忠臣抗直補過匡主之節也矩折規轉却密就

疎有似夫孝子承順慎終思遠之心也耀質含章或柔或剛有似夫哲人行藏知進知退之行也其發迹多端觸變成態或分鋒各讓或合勢交侵亦猶五常之與五行雖相尅而相生亦相反而相成豈物類之能象賢實則微妙而難名使夫觀者翫迹探情循由察變運思無已不知其然瓌寶盈矚坐起東山之府明珠曜掌頽傾南海之資雖彼迹已緘而遺情未盡心存目想欲罷不能非夫妙之至者何以及此 明楊慎書品序曰書有

以品名者鍾嶸詩品庾肩吾書品是也二子皆梁人其稱名也同其遺辭也類時代則然非相假譏也詩品以三品品詩書品以九品品書何區別之精而用志之勤乎或言書與詩均藝而書又非詩比謬矣古者君子之於物也無所苟而已矣曲江小技罔不致其極焉故曰傳兵論劍與道同符今人不及古人而高談欺世乃曰吾道在心六經猶贅也以此號於人曰作字欲好即爲放心趨簡安陋者靡然從之是蒼籀上世道已喪矣不



曰道器形神也離道語器棄形而存神也故曰齊匠之  
斲輪綿駒之擲籥先王之道有在於是矧夫進於六藝  
流乎君子宜無苟也苟於物將苟於道吾所爲感其感  
云其云也嗚呼又焉得真知其解者而竟吾云乎

原啟梁庾肩吾謝東宮古跡啟曰竊以仙巖遺傳入握  
成塵孔壁藏文隨開已蠹石書有暗厨畫猶飛豈有跡  
經四代年逾十紀芝英雲氣之巧未損松鈿鵲反鸞驚  
之勢不侵蒲竹必使酒肆來人池流色變將損北海之

績還代西河之簡 元帝上東宮古跡啟曰師宜八分之巧元帝三體之妙史籀李斯之篆梁鴻曹喜之書莫不總萃桂宮盈滿甲館竊以鸞驚之勢既聞之於索靖鷹跼之巧又顯之於蔡邕是以遊霧重雲傳敬禮之法烏鵲魚頰表揚泉之賦頗好六文多慚三禮尚方大篆既其牢落柱下方書何曾彷彿空慕河間之聚書竟徵東平之獻表齊攸尺牘顧已缺然北海楷隸終成難擬增書梁武帝荅陶隱居論書書曰夫運筆斜則無芒角

執手寬則書緩弱點掣短則法臃腫點掣長則法離漸  
畫促則字勢橫畫疎則字形慢拘則乏勢放又少則純  
骨無媚純肉無力少墨浮澀多墨笨鈍比竝皆然任意  
所之自然之理也若抑揚得所趣舍無違值筆廉斷觸  
勢峰鬱揚波折節中規合矩分澗下注濃纖有方肥瘦  
相和骨力相稱婉婉曖曖視之不足稜稜凜凜常有生  
氣適眼合心便爲甲科 原簡文帝荅湘東王上王羲  
之書曰試筆成文臨池染墨疏密俱巧真草皆得似望

城扉如瞻星石不營雲飛之散何待曲辱之丹方當奉  
彼筐中置之帳裏乍楷銅鈎時懸欹案戢意之深良不  
能已

增論梁庾肩吾書品論曰隸既發源秦史草乃激流齊  
相跨七代而彌遵將千載而無革誠開博者也均其大  
總六書之與指其事籠八體之奇能拔篆籀於繁蕪移  
楷真於重密分行紙上類出蠶之蛾結畫篇中似聞琴  
之鶴峰夢間起瓊山慙其斂霧漪瀾遞振碧海愧其下

風抽絲散水定其下筆倚刀較尺驗於成字真草既分  
於星芒烈火復成於珠佩或橫牽豎掣或濃點輕拂或  
將放而更留或因挑而還置敏思藏於胸中巧意發於  
毫銛詹尹端策故以迷其變化英韶傾耳無以察其音  
聲殆善射之不注妙斲輪之不傳 唐張懷瓘文字論

曰僕今所制不師古法探文墨之妙有索萬物之元精  
以筋骨立形以神情潤色雖跡在塵壤而志在雲霄靈  
變無常務於飛動或若擒虎豹有強梁拏攫之形執蛟

螭見蚺蜺盤旋之勢探彼意象如此規模忽若電飛或  
疑星墜氣勢生平流便精魄出於鋒銳

增議唐張懷瓘書議曰草與真有異真則字終意亦終  
草則行盡勢未盡或煙收霧合或電激星流以風骨爲  
體以變化爲用有類雲霞聚散觸遇成形龍虎威神飛  
動增勢巖谷相傾於峻險山水各務於高深囊括萬殊  
裁成一相或寄以騁縱橫之志或託以散鬱結之懷雖  
至貴不能抑其高雖妙算不能量其力是以無爲而用

同自然之功物類其形得造化之理皆不知其然也可  
以心契不可以言宣觀之者似入廟見神如窺谷無底  
俯猛獸之牙爪逼利劍之鋒鋌肅然危然方知草之微  
妙也

增評梁袁昂書評曰王右軍書如謝家子弟縱復不端  
正者奕奕有一種風氣王子敬書如河洛間少年雖有  
充悅而舉體沓拖殊不可耐羊欣書如大家婢爲夫人  
雖處其位而舉止羞澀終不似真徐淮南書如南岡士

大夫徒好尚風範終不免寒乞阮研書如貴胄失品次  
叢悴不復排突英賢王儀同書如晉安帝非不處尊位  
而都無神明施肩吾書如新亭傖父一往見似揚州人  
共語便音態出陶隱居書如吳興小兒形容雖未成長  
而骨體甚駿快殷鈞書如高麗使人抗浪甚有意氣滋  
韻終乏精味袁崧書如深山道士見人便欲退縮蕭子  
雲書如上林春花遠近瞻望無處不發曹喜書如經論  
道人言不可絕崔子玉書如危峰阻日孤松一枝有絕



望之意師宜官書如鵬羽未息翩翩自逝韋誕書如龍  
威虎振劒拔弩張蔡邕書骨氣洞達真爽有神鍾司徒  
書字十二種意意外殊妙實亦多奇邯鄲淳書應規入  
矩方圓乃成張伯英書如漢武帝愛道憑虛欲仙索靖  
書如飄風忽舉鵝鳥乍飛梁鵠書如太祖忘寢觀之喪  
目皇象書如歌聲繞梁琴人捨徽衛恒書如插花美人  
舞笑鏡臺孟光祿書如崩崖人見可畏李斯書世爲冠  
蓋不易施平張芝經奇鍾繇特絕逸少鼎能獻之冠世

四賢共類洪芳不減羊真孔草蕭行范篆各一時絕妙

唐韋續書品優劣曰李陽冰書若古釵倚物力有萬

夫李斯之後一人已

篆一

梁昇卿如驚波往來巨石前

却盧藏用如露潤花妍煙凝修竹張庭珪如古木崩沙

花開映竹韓擇木如龜開萍葉鳥散芳洲史惟則如雁

足印沙深淵躍魚

八分書五人

薛稷如風驚苑花雪惹山柏

蕭誠如舞鶴交影騰猿在空韋陟如蟲穿古木鳥踏花

枝李邕如華岳三峰黃河一曲蔡邕如古質放意自如

一家宋儋如暮春花發夏柳低枝徐浩固多精熟興有  
異趣顏真卿如鋒絕劒摧驚飛逸勢沈千運如飢鷹殺  
羽忍疲筋骨闕採如淵月沉珠露花濯錦鄭虔如風送  
雲收霞催月上李璿如垂藤差池古木將折吳郁字體  
綿密不謝當時賴文雅如騰沙鬱霧翻浪揚鷗賀知章  
縱筆如飛酌而不竭何昌裔子敬餘波時時可觀宋之  
望天性卓絕而功未深張從申遠近稱善獨步江外李  
清吉變化自逸代有斯人釋元悟骨氣無雙迥出時輩

釋湛然子書之後難可比肩釋崇簡臨寫逸少時有亂

真

真行書二  
十二人

張旭筆鋒詭怪盡生意孫過庭丹崖絕

壑筆勢堅勁張懷瓘繼以章草新意頗多張芬孤松聳  
身弱草垂露張彪孤峰削成藏筋露骨鴈形寒鴉栖木  
平崗走兔陸曾驚波躍魚深水潛龍史鱗逸氣雄振超  
然不羣梁耿錯落魚文縱橫鳥跡房黃婉美分靄春鶯  
欲嬌沈益春鷺窺魚秋蛇赴穴釋懷素援毫掣電隨身

萬變

草書十  
二人

增跋題宋歐陽修跋王獻之法帖曰余嘗喜覽魏晉以

來筆墨遺跡其初非用意而逸筆餘興淋漓揮灑或妍  
或醜百態橫生披卷發函爛然在目使人驟見驚絕徐  
而視之其意態愈無窮盡故使後世得之以爲奇翫而  
想見其人也 黃庭堅題東坡字後曰東坡居士極不  
惜書然不可乞有乞書者正色詰責之或終不與一字  
元祐中鎖試禮部每來見過案上紙不擇精麤書遍乃  
已性喜酒然不能四五龠已醉醉不辭謝而就卧鼻鼾

如雷少馬蘇醒落筆如風雨雖譁弄皆有義味真神仙

中人此豈與今世翰墨之士爭衡哉 又題蔡君謨書

曰君謨書如蔡琰胡笳十八拍雖清壯頓挫時有閨房  
態處 黃伯思跋法帖逸少書後曰玉局翁云希白作

字自有江左風味故長沙法帖比淳化待詔所摹爲勝  
世俗不知爭購祕閣本誤矣白摹書真似騎生馬不暇  
施鞭勒時有驟跌不害其妙處但搨字要當如陶華陽  
摹楊許書法乃佳耳 又跋米元章摹平章帖後曰米

襄陽節摹逸少平章帖筆趣翩翩固自佳但肆筆搨放殊不填郭非古也昔人搨書欲如水月鏡像者故應郭填乃造微耳 元元好問跋金國名公書曰任南麓書如老法家斷獄網密文峻不免嚴而少恩使之治京兆亦當不在趙張三王之下黃山書如深山道人草衣木食不可以衣冠禮樂束縛遠而望之知其爲風塵物表黃華書如東晉名流往往以風流自命如封胡遏末猶有醞藉可觀閑閑公書如本色頭陀學至無學橫說豎

說無非般若百年以來以書名者多矣宇文大學升通  
王禮部無競蔡丞相伯堅父子吳深州彥高高待制子  
文耳目所接見行輩相後先爲一時任高麓趙黃山趙  
禮部龐都運才卿史集賢季宏王都勻清卿許司諫道  
真爲一時若黨承旨正書八分開開以爲百年以來無  
與比者篆字則李陽冰以後一人郭忠恕徐常侍不論  
今卷中諸公書皆備而行溪獨見遺正如鄴中賓客應  
劉徐阮皆天下之選使坐無陳思王則亦不得不爲西



園清夜惜也

袁袁題善學纂要後曰專工氣韻則有

旁風急雨之失太守繩墨則貽叉手并脚之譏古人所  
以窮極絕巧者以得真蹟臨摹也心融神會意達巧臻  
生變化於毫端起形模於象外必如庖丁之目無全牛  
由基之矢不虛發斯爲盡美雖然黃太史有言士大夫  
下筆須使有數萬卷書氣象始無俗態不然一楷書吏  
耳初何足云 明王世貞跋懷素自序帖曰此帖如并  
州勁鐵北山迅鷹奇矯無前獨冠諸種然坐此亦不得

與二王盟僅倔强江淮耳真蹟歷數相臣家歸陸冢宰  
近聞一總帥以八百金購之復入平津邸矣於乎素師  
不習蓮花梵字作此有爲跡墮落縑素伴朱提入紫闥  
宛轉粉黛間對肥肉大酒不亦重痛辱哉安得祖龍火  
了此累劫障爲快也

御定淵鑑類函卷三百二十六